

靖板通鑑綱目

ね
57
5

東 京 圖 書 館				
五 七 冊	二 七 號	別 函 架 五	正 史 類	漢 書 門

漢 書 門				
五 七 冊	一 九 六 六 架	五 九 六 六 函	五 九 六 六 號	漢 書 門

庫 文 閣 内		内 閣 文 庫	
三 函	五 九 六 六 架	番 號	漢 5966
一 八 架	五 九 六 六 冊	冊 數	57 (13)
		函 號	283 33



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



白紙のページが続く箇所があり、白紙箇所は省略





名未詳沿華(湖陵)秦之縣名屬薛郡漢初仍舊後改為侯國東漢廢之故城在兗州府魚臺縣東六十里漢

公攻湖陵即此

睢陽人反城迎劉永蓋延引兵圍之○五月帝還宮是月

晦日食○六月大將軍耿弇擊延岑走之其將鄧仲况以

陰降

仲况揚陰縣而劉歆孫夔為其謀主前侍中扶風蘇竟

於書說之仲况與夔降竟終不伐其功隱身樂道壽終

家集覽陰縣春秋穀伯國楚地陰國所遷秦漢為

陰城縣屬鄴郡後周郡廢隋以縣屬襄陽府唐廢為陰

化鎮宋置光化軍領乾德縣熙寧中軍廢乾德為光

注見周顯王本朝因之仍屬襄陽府扶風郡名

八年岐縣

漢書文庫

秋七月遣岑彭擊秦豐於鄧破之進圍黎丘別遣兵徇江
東揚州平○睢陽人斬劉末以降諸將立其子紆復稱梁

王

蓋延圍睢陽百日劉永蘇茂周建突出將走鄧蓋延追
擊之急求將慶吾斬永首降蘇茂周建共立永子紆為

集覽

鄧此鄧與南陽之鄧不同比音祚柯反字本

實

元魏志云鄧城名本春秋鄧國地南齊將曹虎鎮此

城縣宋廢入襄陽後元兵圍襄陽築此下要津以絕其

援故城在襄陽府城東北二十里黎立城名在襄陽府

宜城縣東漢書即縣下有此城鄧漢之縣名屬沛郡

後省之故城在開封府永城縣西南李奇曰此鄧音嗟

非是蕭何食邑

冬十月帝如春陵祠園廟

實

春陵城名注見新莽地皇三年

○十一月

遷宮○李憲稱帝

置百官擁九城衆十餘萬

遣太中大夫來歙使隗囂

帝謂太中大夫來歙曰今西州未附子陽稱帝道里阻
遠諸將方務關東思西州方畧未知所在奈何歙曰臣
嘗與隗囂相遇長安其入始起以漢為名臣願得奉威
命開以丹青之信囂必束手自歸則迷自亡之勢不足
圖也帝然之始令歙使於囂囂既有功於漢又受鄧禹
爵署其腹心議者多勸通使京師囂乃奉奏詣闕帝報
以殊禮言稱字用敵國
集覽 言稱字每言語
之間不稱其名
實 來歙
新野人

四年春遣鄧禹將兵擊延岑破之岑奔蜀公孫述以為大
司馬○夏四月帝如鄴遣吳漢擊五校於臨平破之遣耿

戊

弁祭道等討張豐斬之弁遂進擊彭寵

考異

陽太守彭寵

反三年書涿郡太守張豐反則

此斬字當作誅擊字當作討

豐好方術有道士言豐當為天子以五綵囊裹石繫豐

肘云石中有玉璽豐信之遂反既當斬猶曰肘石有玉

璽傍人為椎破之豐乃知被詐仰天曰當死無恨上詔

耿弁進擊彭寵弁以父况與寵同功又兄弟無在京師

者不敢獨進求詣維陽詔報曰將軍舉宗為國功効

尤著何嫌何疑而求徵况聞之更遣弁弟國入侍

覽維陽公遷本洛成周洛陽也在澗水東漢河南郡屬

縣周公遷本洛成周洛陽也在澗水東漢河南郡屬

火行為水剋火故去水加佳其地在

成阜西宛縣北又注見周顯王三年

五年五校注見

宣帝神爵元年

六月帝還宮○秋七月如譙遣將軍馬武王霸圍劉紆於

番惠董憲將賁休以蘭陵降○拔之

憲聞賁休以蘭陵降自郟之蓋延及龍萌在楚蕭往

救之帝勅曰可直往擣郟則蘭陵自解延等因拔圍入城明日

憲大出兵合圍延等懼還出突走因往攻郟帝襲之曰

問欲先赴郟者以其不意故耳今既奔走賊計已立圍

豈可解乎延等至郟果不能克而董憲遂拔蘭陵役賁

休

八月帝如壽春遣將軍馬成擊李憲九月圍舒

集覽

舒春

入本朝初改州

為縣屬兖州府

定中以縣置州宋因之金屬邳州後改承縣為蘭陵

城屬徐州唐初復置鄆州又改蘭陵為承縣貞觀中

城屬徐州唐初復置鄆州又改蘭陵為承縣貞觀中

城屬徐州唐初復置鄆州又改蘭陵為承縣貞觀中

五桐國之地漢屬廬江唐改舒州宋陞安慶府郡縣志云舒有五名曰舒曰龍舒曰庸舒曰舒鳩曰舒成其實一也

春秋注廬江南有舒城舒城之南有龍舒案舒城今廬州縣龍舒今安慶是也又注見獻帝建安四年皖城

實 春春縣名注見秦王政六年馬成棘陽人 ○以矣霸為尚書令

王莽末天下亂臨淮大尹侯霸獨能保金其郡帝徵霸會壽春拜尚書令時朝廷無故典又少舊臣霸明習故事收錄遺文條奏前

世善政法度施行之 實 四年侯霸河內密人

冬十月帝還宮 ○隗囂遣馬援奉書入見

隗囂使馬援往觀公孫述接與述舊同里閉相善以為既至當握手歡如平生而述盛陳陛衛以延援入交拜

禮畢使出就館更為授制都布單衣交囊冠會百官於宗廟中立舊交之位述鸞旌旄騎警蹕就車轂折而入

禮饗官屬甚盛欲授援以封侯大將軍位賓客皆樂留接曉之曰天下唯雄未定公孫述不吐甫走迎國士與圖

成敗反修飾邊幅如偶人形此子何足久稽天下士乎因辭歸謂囂曰子陽非底也

東方囂乃使援奉書維陽初到良久中黃門引入帝在宣德殿南無下但憤坐迎笑謂援曰卿遊二帝間今

見卿使入大慙援頓首謝因曰當今之世非但君擇臣臣亦擇君矣臣與公孫述同縣以相善臣前至蜀述

陛戟而後進臣臣今遠來陛下何知非刺客耳援曰天下反覆易若是帝復笑曰卿非刺客願說客耳援曰天下反覆

盜名字者不可勝數今見陛下真有真也 襄覽 同里閉矣大度同符高祖乃知帝王自有真也

南平輿里門曰開蓋援述皆扶風茂陵人也故云都布單衣馬援傳注東觀記曰都作答布白疊布也南史

高昌國有草實如繭中絲為細纒名曰白疊安子國人取以為布甚為輒白又史記荅布十匹注疊布也

都布單通作禪並音丹前書江充衣紗縠禪衣類師古曰禪衣若朝服中單也二儀實錄曰古者朝燕之服有

擊不勝或墮地髻解被髮牛畏入水秦因置掩頭騎作先驅徐援釋疑曰乘輿黃麾內羽仗班子魚父篇夫子曲

執單者冠熊皮冠謂之雉頭磬折莊子漁父篇夫子曲要磬折正義曰謂人曲體揖之若石磬之形也案磬一

片黑石縣在虛上擊之其形中曲垂兩頭言人要側以

也吐哺史記魯世家周公戒伯禽曰我嘗一沐三握髮一飯三吐哺起以待士猶恐失天下之賢人修飾邊幅
邊畔也曰有界畔布帛黃曰幅修飾者言拘譎也顏師古曰若布帛之齊整邊幅也并底挂言如蛙坐并中所見者小也莊子秋水篇并蛙不可以語於海者拘於壚也陸戰謂陳列祭戟於階陛之下以為儀衛

交讓冠今按此蓋講賓主禮相見之冠

質實 馬援茂陵人

正誤

太傅襄德侯卓茂卒○十二月帝如黎丘遣將軍朱祐圍

秦豐岑彭擊田戎

岑彭攻秦豐三歲斬首九萬餘級豐餘兵裁千人食且盡帝幸黎丘遣使招豐豐不肯降乃使朱祐等代岑彭圍黎丘使岑彭質實 岑彭南陽棘陽人傳俊南擊田戎

公孫述遣兵屯隄隄遣兵助馮異擊破之述遣使招

公孫述聚兵數十萬人積糧漢中又造十層樓船多刻天下牧守印章遣將軍李育程烏將數萬眾出屯陳倉就呂鮪將向三輔馮異迎擊大破之是時隄遣兵佐異有功遣使上狀帝報以手書曰將軍拒公孫述之兵輔微將軍之助則咸陽已為他人禽矣如令子嬰蜀三輔割地之秋也其後公孫述數遣將間出器輒與馮異合勢共摧挫之述遣使以大司空扶安王印綬授馮異斬其使出兵擊之以故蜀兵不復北出

略也曰徇又巡師宣令也躑躅猶

質實 陳倉縣名注見

發明

君其子樂於成人之美故不以其終焉之惡而併與夫公孫述遣使招馮異若此亦何不可之有惜哉

以陳俊為泰山太守

質實 陳俊南陽西鄂人泰山郡名注見秦始皇二十八年

五年春正月帝還宮○遣來歙送馬援歸隴右

五年春正月帝還宮○遣來歙送馬援歸隴右

五年春正月帝還宮○遣來歙送馬援歸隴右

五年春正月帝還宮○遣來歙送馬援歸隴右

隗囂與接共卧起問以東方事曰前到朝廷上引見數
十年按燕語自夕至旦才明勇畧非人敵也且開心見
誠無所隱伏闊達多大節畧與高帝同經學傳覽政事
文辯前無世無此囂曰卿謂何如高帝援曰不如也高帝
無可無不可今上好吏事動如節度又不
喜飲酒囂意不擇曰如卿言反復勝耶
當屬下句無可無不可煩師古曰言唯其當而已胡氏
曰此孔子自謂之言也以五字成文當渾全以會其意
不當分析以求其義後世欲狀入
之通儻不泥者必曰無可無不可

二月蘇茂救垂惠馬武王霸擊破之劉紆犇佼彊

蘇茂將五校兵救周建於垂惠馬武為茂建所敗犇過
王霸營大呼求救霸曰賊兵盛出必兩敗努力而已乃
閉營堅壁軍吏皆爭之霸曰茂兵精統其衆又多吾吏
士心恐而捕虜毋吾相持兩軍不一此敗道也今開營
固守示不相援賊必乘勝輕進捕虜無救其戰自倍如
此茂衆疲勞吾承其敵乃可克也茂建果悉出攻武合
戰良久霸軍中壯士數十人斷髮請戰霸乃開營後出
精騎襲其背茂建前後受敵敗走霸武各歸營茂建復

聚兵挑戰霸堅卧不出方饗士作倡樂茂兩射營中中
霸前酒博霸安坐不動軍吏皆曰茂前日已破今易擊
也霸曰不然蘇茂客兵遠來糧食不足故數挑戰以激
一特之勝今閉營休士所謂不戰而屈人兵者也茂建
既不得戰乃引還營其夜周建元子誦反閉城拒
之建於道死茂犇下邳與董憲合劉紆犇佼彊
肅虜馬武為捕虜後門一髮斷音短截也以示敢死戰
也開營後開營豐後門一髮斷音短截也以示敢死戰
作一切注
謂權時也
正誤
行險以激幸亦謂要求幸得如此也
實
縣名武南陽湖陽人下邳

帝如魏郡督實

魏郡注見成
帝綏和二年
彭寵奴斬寵來降夷其族

封奴為不義侯

考異
為漁陽太守八字
彭寵妻數為惡妾又多見恠變卜筮望氣者皆言兵當
從中起寵以子后蘭卿質漢歸不信之使將兵居外無
親於中寵齋在便室蒼頭子密等三人因寵卧寐共縛
着牀告外吏云大王齋禁皆使吏休為緝寵命收縛奴

婢又以寵命呼其妻入驚曰奴反奴乃梓其頭擊其
頰寵急呼曰趣為諸將軍辦裝於是兩奴將妻入取寶
物留一奴守寵收金玉衣物至寵所裝之被馬六匹使
妻一兩魚囊昏夜後解寵手令作記告城門將軍開門
書門斬寵及妻頭置囊中便持記馳出城因以詣闕明
旦問門不開官屬踰墻而入見寵尸驚怖其尚書韓立
等共立寵子午為王國師韓利斬午首詣宗族帝封子
宗族帝封子密為不義侯權德輿曰伯通之叛命子密
之戕君同歸于亂罪不相蔽宜各致於法昭示王度乃
爵於五等又以不義為名且與以不義莫可侯也春秋
書齊豹盜三叛人名集覽賈漢歸為質子於漢而曰歸
之義無乃異於是乎集覽賈漢歸為質子於漢而曰歸
寢蒼頭前書鮑宣傳蒼頭盧兒注漢名奴為蒼頭者服
純黑以別於良人也諸給事殿中所居為廬蒼頭侍從
因呼為廬兒使吏休使其外吏各歸休沐也休沐注見
昭帝始元四年伯通彭寵字辭於五等公侯伯子男春
秋書齊豹盜三叛人名集覽春秋昭二十五年盜殺衛侯之兄
繁襄二十一年邦庶其以漆間仁來奔昭五年莒牟夷
以牟婁及防茲來奔三十一一年黑肱以濫來奔蓋春秋
之例非命卿不書其名齊豹之儔也忿衛侯之况而

殺之欲求不畏疆禦之名初秦以柳之但書曰盜所謂
求名而不得邾庶其莒牟夷邾黑肱三人皆非命卿以
邑來奔求食而已不期名之著於春秋而春秋
故書其名所謂欲蓋而名章也此皆懲不義也
歸今按彭寵從弟子后蘭卿
為質子於漢而歸質當音致
書某斬其降多矣不書所封據張步安平
矣之類書不義侯何譏失賞且非名也

書法

遣使迎上谷太守耿况還京師封牟平侯

集覽

牟平地理志東萊有

牟平縣故城在今登州黃縣南

管實

一統志云牟平漢之

後治黃縣馬嶺之南唐省入牟州

書法

帝之崇耿况父子實齊之功也

○吳漢耿弇擊富平獲索於平原大破之弇遂進討張步

集覽

富平獲索地理志平原

管實

一統志云富平漢之縣

有富平縣獲索賊名

管實

名屬平原郡晉於縣置

樂陵國後魏改國為郡隋初郡廢以樂陵縣屬滄州唐屬樂安郡後改屬滄州自唐以來徙治不一宋始徙今治金元因之國朝改屬濟南府平原漢之縣名為平京郡治所東漢改郡為國後魏徙郡治聊城而於縣置東青州尋廢州以縣屬安德郡隋屬冀州尋改屬德州唐屬齊州尋復舊屬五代宋金元俱仍舊國朝因之屬濟南府

書法

既世祖之篇非書反不書討故也其書討何故

遣將軍龐萌蓋延擊董憲萌反帝自將討之

龐萌為人逆順帝信愛之常稱曰可以託六尺之孤寄百里之命者龐萌是也使與蓋延共擊董憲時詔書獨下延而不及萌前以為延諸已自疑遂反襲延軍破之與董憲連和自號東平王也桃鄉之北帝聞之大怒自將討萌與諸將書曰吾常以龐萌為社稷之臣將軍得無失其言乎老賊當族其各屬兵馬會睢陽龐萌攻破彭城將殺楚郡太守孫萌部吏劉平伏太守已絕復蘇陽請代其死身被七創龐萌義而捨之太守已絕復蘇陽求飲平傾創

質實

龐萌山陽人董憲海西人

岑彭攻拔夷陵田戎奔蜀彭留屯津鄉

岑彭既拔夷陵謀伐蜀以夾川殺少水險難留威虜將軍馮駿軍江州都尉田鴟軍夷陵領軍李玄軍夷道自引兵還屯津鄉當荆州要會

質實

一統志云夷陵縣名注見建武九年江州漢之內

縣隋唐渝州治於此宋復為巴縣元併望山縣入焉國朝因之屬重慶府夷道縣名詳注見建武九年

夏四月旱蝗 ○竇融遣使奉書入見詔以融為涼州牧

初竇融等聞帝威德心欲東向以河西隔遠未能自通乃從隗囂受建武正朔蓋皆假其將軍印綬蓋外順人望內懷異心使辯士張玄說融等曰更始事已成尋復亡滅此一姓不再興之效也方今豪傑競逐雌雄未決當各據土宇與隴蜀合從高可為六國下不失尉佗融等召豪傑議之其中識者皆曰今皇帝姓不見於圖書前世子雲賀良等皆言漢有再受命之符故劉子駿改易名字冀應其占及莽末西門君惠謀立子駿事

竟被殺出謂觀者曰讖文不誤劉秀其汝主也此皆近
 事暴者者况今稱帝者數人而洛陽土地最廣甲兵最
 彊號令最明觀符命而察人事此姓殆未能當也融遂
 決策東向遣明長史劉鈞等奉書詣洛陽先帝亦發使
 遺融書以招之遇鈞於道即與俱還見帝賜融璽書曰
 今益州有公孫子陽天水有隗將軍方蜀漢相攻權在
 將軍舉足左右便有輕重以此言之欲相厚豈有量哉
 欲遂立桓文輔微國當勉卒功業欲三分鼎足連衡合
 從亦宜以時定今之議者必有任讎教尉佗制七郡之
 計王者有分土無分民自適已事而已因授融涼州牧
 璽書至河西河無分民自適已事而已因授融涼州牧
 為天子明見萬里之外集覽孫述六國戰國時韓魏
 趙燕楚齊尉佗徒河反名也姓趙秦二世時南海尉
 任置病且死召龍川令趙佗語曰聞項羽劉李等各起
 兵中國擾亂吾欲與兵自備會病其且南海東西數千
 里可以立國即以佗行南海尉事讎死佗即自立為南
 粵武王谷子雲谷水字子雲成帝時人夏賀良姓夏名
 賀良哀帝時方術七劉子駿成帝時人夏賀良姓夏名
 師因識文云劉秀發兵捕不道故改名秀字穎叔西門
 君惠道士姓西門名君惠謂讖文云劉氏當復興國師

公姓名是也遂欲與子駿劫莽漢謀泄自殺五桓文
 輔微國齊桓公晉文公春秋特號為賢君能糾合諸侯
 尊周室治疆楚諸侯皆尊之以為霸王建衛合從注見
 周安王十五年從橫必有任讎教尉佗制七郡之計秦
 二世時南海尉任置病教趙佗以制七郡之謀案七郡
 南海鬱林蒼梧合浦交趾九真日南是也王者有分土
 無分民王下况反分扶問反凡裂土以封諸侯其受封
 者各有分也地理志古有分土亡分民注有分土者謂
 立封疆也亡分民者謂通性來不常厥正誤土者有分
 居自適已事謂宜身謀順適已身之事實實融平
 只知字自適已事今據此言唯欲更適自實實融平
 已之事而已如集覽說則指實融矣非也實實融平
 六月秦豐降斬之○董憲劉紆使蘇茂佼彊救龐萌帝自
 將擊破之秋七月彊以衆降茂犇張步憲萌犇梁人斬
 紆以降集覽胸其俱反縣名屬東海郡
 鄉子國故城在淮安實實秦二世二年
 府城北三百七十里

高帝自將五將韓王信書討餘書擊嘗比肩也
世祖自將七非書征則書討此其獨書擊何紆
求子也求立子也紹封宜矣非他人比也故
前書據國起兵此特書擊綱目之權衡審矣

○冬十月帝如魯○耿弇拔祝阿濟南臨菑與張步戰大
破之帝勞弇軍步斬蘇茂以降齊地悉平

張步聞耿弇將至使其大將軍費邑軍歷下又令兵屯
祝阿別於泰山鐘城列營數十以待之弇渡河先擊祝
阿後之故開闢一角令其眾得解歸鐘城鐘城人聞祝
阿已潰大恐空壁亡去費邑分遣弟敢守巨里弇進兵
先脅巨里嚴令軍中趣修攻具後三日當悉力攻巨里
城陰緣生口亡歸以弇期告邑邑至日果自將精兵三
萬餘人來救之弇喜謂諸將曰吾所以修攻具者欲誘
致之耳野兵不擊何以城為即分三千人守巨里自引
精兵上岡阪乘高合戰大破之臨陳斬邑既而收首級
以示城中城中免懼費敢悉眾歸張步弇復從兵擊
諸未下者平四下餘營遂定濟南時張步都刺使其弟
監將精兵二萬守西安諸郡大守合萬餘人守臨菑

去四十里弇進軍居二城之間視西安城小而堅且
蓋兵又精臨菑名雖大而實易攻乃救諸校後五日會
文西安蓋開之晨夜警守至期夜半弇救諸將皆奪食
會明至臨菑城護軍荀梁等爭之以為攻臨菑西安必
被之攻西安臨菑不能救不如攻西安弇曰不然西安
聞吾欲攻之日夜為備方自憂何暇救人臨菑出與弇
而絕必驚擾吾攻之一日必拔拔臨菑即西安孤與劇
隔絕必復亡去所謂擊一而得二者也遂攻臨菑半日
拔之入據其城張蓋聞之將其眾亡歸劇弇乃令軍中
無得虜掠須張步至乃取之以激怒步步聞大笑曰以
尤來大營十餘萬眾吾嘗即其營而破之今大耿兵少
於彼又皆疲勞何足懼乎乃與三弟監弘壽及故大彤
渠帥重異等兵號二十萬至臨菑大城東弇於城下
允出番水上與重異等兵號二十萬至臨菑大城東弇於城下
城陳兵於內使都尉劉歆等合戰弇視歆等鋒交乃自
步氣盛直攻弇營與劉歆等合戰弇視歆等鋒交乃自
引精兵出是時帝在魯聞弇為步所破之至暮罷弇明旦
復勒兵出是時帝在魯聞弇為步所破之至暮罷弇明旦
陳俊謂弇曰剽虜兵盛可且閉營休士以須上來弇曰
乘輿且到臣子當擊牛醢酒以待百官反欲以賊虜遺

君父耶乃出兵大戰自旦及昏復大破之奔知步困將
 退謀置左右翼為伏以待之人定時步果引去伏兵起
 縱擊進至鉅抹水上僵尸相屬步還劇兄弟各分兵散
 去後數日車駕至臨甯自勞軍群臣大會帝謂弁曰昔
 韓信破歷下以開基今將軍前在南陽建此大策常以
 西界功足相方將軍前在南陽建此大策常以爲落齊之
 難合有志者事竟成也帝進幸劇弁復追張步步奔平
 壽蘇茂將萬餘人來救之茂讓步曰以南陽兵精延岑
 善戰而耿弁走之大王奈何就攻其營既呼茂不能待
 邪步曰負負無可言者帝遣使告步茂能相斬降者封
 爲列侯步遂負無可言之大王奈何就攻其營既呼茂不
 勒兵入據其城罷遣步兵各歸鄉里張步三弟自繫所
 在獄詔皆赦之封步爲安立侯於是張步未平上徙陳
 俊爲琅邪太守始入境盜賊皆散弁復引兵至城陽降
 五校餘黨齊地悉平振旅還京師弁爲將
 凡平郡四十六屠城三百未嘗挫折焉
 父沸反歷下前書韓信襲齊歷下軍注徐廣曰濟南歷
 城縣也或曰地名在濟南歷山之下齊之西界案地理
 志歷下古城枕泰山之麓極爲雄壯又襟帶濟水視阿
 注見周烈王六年阿陰綏生口生口謂生獲之人陰綏

集覽

費邑姓名也費

謂隱然寬其防閑令其得逃歸西安地理志齊郡西安
 縣謂校校者營壘之稱故軍之部曰一校校音效
 食前書音義曰早起就林蓐中食也字宜從禱藉也
 謂若從禱禱字非只是軍行時所即草蓐也案左傳
 軍行右轅左追蓐注蓐上之草也當軍行時在車右
 者挾轅以爲戰備在車左者使之追求草蓐以爲宿備
 无來賊天取謂取介大形賊帝在魯正義曰今兗州曲
 阜縣古魯國也括地志云魯城在今察州詩昌縣南
 四十里本魯之朝宿邑劇虜時張步都劇故呼爲劇虜
 劇注見三年醜酒章懷太子曰醜猶也詩伐木篇醜
 酒有真注以能醜曰醜以醜曰醜徐音所宜反葛洪音
 所寄反謂以能醜曰醜以醜曰醜徐音所宜反葛洪音
 翼之爲也楚辭天問篇並驅擊翼何以特之注引六韜
 曰翼其兩旁疾擊其後雖昧水名一名巨洋案洋水在
 青州樂安國落難合顏師古曰言不相入也贊曰落
 洛猶疏闊也既呼茂爲句謂張步既已求救於我負
 爲句猶言負罪負罪傳誦傳誦傳誦傳誦傳誦傳誦傳誦
 傳若今之驛騎也安丘此海郡安丘縣屬青州城陽注
 見漢王劉一統志云歷下古齊城名漢置歷城縣
 邦四年屬濟南國晉屬濟南郡初郡治東平陵

贊實

屬濟南國晉屬濟南郡初郡治東平陵

城後終治於此隋初罷郡以縣屬齊州唐以平陵縣省入宋金元仍舊
秦於皇二十八年齊廢之故城在青州府臨淄縣西三十里
縣名屬齊郡晉廢之故城在青州府臨淄縣西三十里
臨淄縣名注見周太祖廣順二年曲陽注見漢王邦三年
府臨淄縣南一百一十里沂山兩麓一名巨洋水只各
彌水國語謂之具水王部以為巨或曰胸彌或曰沫
實一水也流經本縣東北至海壽光縣界入海平壽
漢之縣名屬膠東國晉宋初為南齊之故城在萊州府
濰縣西南三十里安立漢之縣名屬東郡東漢屬北
海郡後廢隋置平山縣後改安立縣屬高密郡唐改曰
輔唐縣五代晉省入膠西縣宋復置安立縣金元仍舊
俱屬密州國朝改屬青州府取邪漢之郡名治諸縣
後廢之故城在青州府諸城縣
東南一百五十里琅邪山下

初起太學帝還視之

集覽

初起太學帝還視之環讀曰癡如魯而返也源流至論曰漢史

曰幸太學今綱目不曰幸而曰視所以尊師道也

帝幸太學稽式古典脩明禮樂煥然又物可觀矣

禮樂

初者何志始也帝即位於是五年日不暇給而

禮樂

初者何志始也帝即位於是五年日不暇給而

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

禮樂煥然又物可觀矣

十一月大司徒伏湛免以疾霸為大司徒

霸聞太原閔仲叔之名而辟之既至霸不及政事徒勞

若而已仲叔恨曰始蒙嘉命且喜且懼今見明公喜懼

皆去以仲叔為不足問邪不當辟也辟也辟而不問是失人也遂辭出投効而去

集覽 勞苦禮秋 官大行人

集覽 勞苦禮秋 官大行人

集覽 勞苦禮秋 官大行人

三問三勞

功上狀自効有過也其効狀中上有上文恨日已下數語

賞武人

十二月盧芳入塞掠據五郡

考異

此當書入寇與元朔三年匈奴入代郡同

初五原人李興隨昱朔方人田颯代郡人石鮪閔堪各起兵自稱將軍匈奴單于遣使與興等和親欲令盧芳還漢地為帝興等引兵至單于庭迎芳十二月與俱入塞都九原絲掠有五原朔方雲中定襄鴈門五郡並置守令與胡通

書法

王莽之世書匈奴分道入塞不書入寇賊莽也此其書入塞何未忍以狀狀芳也至與匈奴為

桓連兵犯塞則書寇矣詳十二年

隗囂遣子入侍

隗囂自西北西伯議欲稱王鄭興曰昔文王三分天下其二尚服事殷武王八百諸侯不謀同會猶還其侍

高祖征伐累年猶以沛公行師令世無宗周之祚未有高祖之功而欲舉未可之事招速禍患無乃不可乎乃上後又廣置職位鄭興曰夫中郎將太中大夫使持節皆王者之器非人臣所當制也囂病之而止時關中將帥數上書言蜀可擊之狀帝以書示囂因使擊蜀以效其信囂上書盛言三輔單弱劉文伯在邊未宜謀蜀帝知囂欲持兩端不願天下統一於是稍絀其禮正君臣之儀帝以囂與馬援來歙相善數使歙奉使往來勸令入朝許以重爵囂言無功德須四方平定退伏間里帝復遣來歙說囂遣子入侍囂聞劉永彭寵皆已破滅乃遣長子恂隨歙詣闕帝以為胡騎校尉封鐃羌侯郎興因恂求歸葬父母與妻子俱東馬援亦將家屬隨恂歸洛陽囂將王元以為天下成敗未可知不願專心內事說囂曰今天水完富士馬最彊元請以一丸泥為大王東封函谷關此萬世一時也若計不及此且畜養士馬據隘自守以待四方之變圖王不成其敵猶足以霸囂心然元計雖遣子入質猶負其險阨設專制方面申看剛諫曰愚聞人所歸者天所與人所畔者天所去也本朝誠天之所福非人力也今聖書數到委國歸信欲與將軍共同吉凶布衣相與尚有沒身不負然諾

通鑑紀事本末

卷之二十一

三

之信究於萬乘者哉今久疑若是卒有非常之變上負忠孝下愧當世願反覆愚老之言囂不納於是遊士長者稍集覽盈文伯即盧芳也字君期安定天水人王去之孫劉文伯封鏘羌侯以恂晉實人鄭興開封人

交趾牧鄧讓等遣使貢獻

王莽末交趾諸郡閉境自守岑彭素與交趾牧鄧讓厚善與讓書陳國家威德又遣偏將軍張奐移檄江南班相韓福往陽太守張隆零陵太守田翁蒼梧太守王堂長沙交趾太守錫光等相率遣使貢獻悉封為列侯錫光者漢中人在交趾教民夷以禮義帝復以宛人任延為九真太守延教民耕種嫁娶集覽中華之風化所實郡名故嶺南華風始於二守焉集覽中華之風化所實郡名注見唐宣宗大中二年江夏郡名注見唐僖宗乾符四年鄂州武陵郡名注見建武二十四年王堂廣漢郡人長沙國名注見獻帝興平元年注武陽郡名注見武元鼎六年零陵郡名注見晉武帝太元元年注晉武帝太元元年

見武帝元鼎五年元直郡名注見唐宣宗大中二年交趾

徵處士周黨嚴光王良至京師黨光不屈以良為諫議大夫

考異按光本姓莊後避明帝諱史政作嚴據建元六年分注注助元狩五年書莊青翟皆改舊史從本姓此亦當善莊光傳錄誤耳

黨入見伏而不謁自陳願守所志博士范滂奏曰伏見太原周黨東海王良山陽王成等蒙受厚恩使者三聘乃肯就車及陛見帝庭黨不以禮屈伏而不謁偃蹇驕悍同時俱逝黨等文不能演義武不能死君釣采華名朕幾三公之位臣願與坐雲臺之下考試圖國之道書奏詔曰自古明王聖主必有不賓之士伯夷叔齊不食周粟太原周黨不受朕祿亦各其志焉其賜帛四十匹罷之帝少與嚴光同遊學及即位以物色訪之得於齊國累徵乃至拜諫議大夫不肯受去耕釣於富春山中以壽終於家王良後歷沛郡太守大司徒司直在位恭儉布被瓦器妻子不入官舍後以病歸一歲復徵至榮陽疾篤不任進道過其友人友人拒不肯見曰不有忠

言奇謀而取大位何其往來胥胥不憚煩也良慙後散

不應卒於家高平范氏曰非光武不能遂子陵之高非

子陵不能成光武之大也胡氏曰自古人君待遇臣下

其禮雖一然嚴威嚴恪常施於瓜牙甲冑之士以折其

驕悍難使之氣柔巽謙亟常施於林壑退藏之人以厲

其庶靖無求之節故能駕馭人才表正風俗反是道者

難乎免於亂集覽不能為君盡死節與坐雲臺之下與

亡之禍矣讀曰豫雲臺在南昌宮明帝永平三年圖畫建武中名臣

列將於其中以物色訪之畫象其人物顏色以訪求之

富春山新安志云漢富春縣西有富春山後避晉簡文

鄭太后諱改曰富陽案嚴光傳耕於富春山圖經不載

此山但云今名嚴陵山者是其所耕處却載嚴光富陽

人耕於富春山沈約宋書吳時分富春縣地置桐廬縣

則嚴陵山即富春山無疑正誤下願與坐雲臺之

進道任音壬其也嚴姚一統志云范升代郡人嚴光餘

與周黨等坐於雲嚴姚一統志云范升代郡人嚴光餘

臺下而考試也嚴姚一統志云范升代郡人嚴光餘

西三十里一名嚴陵山清麗奇絕號錦峯繡嶺乃

漢嚴子陵隱釣處前臨大江上有東西二釣臺

書法

書不登何嘉節守也書諫議大夫始此西漢書

東漢書諫議大夫三王良周舉劉陶當時諫官之能

舉職者鮮矣綱目書聘士二徵士二十一書不至八

安帝延光二年順帝永初二年桓帝延熹二年後主

建興四年魏主丁亥年晉武帝孝武太元十二年壬

午年梁武帝唐太宗貞觀元年不取一足年不就一

順帝陽嘉二年不受一唐玄宗開元六年不食而卒

一晉懷帝永和六年遣歸一昭帝元鳳元年放還山

一唐昭宣帝天祐二年終綱目書議大夫十六王良

周舉劉陶喬豫等終世長魏徵等孫失伽盧鴻陽城

長通玄韋渠牟劉栢楚柳公權鄭湖杜光庭王升惟

長通玄韋渠牟杜

長通玄韋渠牟杜

長通玄韋渠牟杜

長通玄韋渠牟杜

長通玄韋渠牟杜

發明見之綱目所書者乃與周黨王良並召觀范升

之毀黨與友入之請良則二人非光之比明矣宜光

之愈不屈也且光乃帝握手故人帝不以手書招致

乃以詔書從事何哉嘗即光傳考之見其幾切矣霸

之語則光固非碌碌隱者况光少有高名帝既與之

同學必知其才智果有大過人者是以始焉帝思其
 賢而終焉帝傷惜之向使帝不屈光以官爵而惟以
 故人待之從容訪問必有興治致化之方補益中興
 惜乎帝不及此爾按中元二年丁巳歲帝聖壽六十
 二則是今年已丑蓋三十終帝猶認郡縣賜錢穀由是推
 再召不厭至年已十已年尊於帝至帝君臨大寶召
 之當光同學之時已年尊於帝至帝君臨大寶召
 至闕下光同學之時已年尊於帝至帝君臨大寶召
 帝不能待以賓師之禮乃欲臣而用之宜乎光之不
 應也後之論者但知光之不為高而不知光之所
 以不屈者其意固自有在特其識量素高此意渾然
 不露圭角是以天下後世莫得而測識爾臣故備而
 論之以俟後之君子折衷焉

賈融承制以莎車王康為西域大都尉

元帝之世莎車王延嘗為侍子京師慕樂中國及王莽
 之亂匈奴器有西域唯延不肯附屬常救諸子當世奉
 漢家不可負也延卒子康立康率傍國拒匈奴擁衛故
 都護吏士妻于十餘口撤書河西問中國動靜賞賜

承制立康為漢莎車建功懷德王
 西域大都尉五十五國皆屬焉

集覽 莎車注見武帝元鼎二年

庚寅

六年春正月以春陵鄉為章陵縣復其徭役

復徭役 質實 春陵鄉注見新莽地皇三年
 比豐沛 豐沛注見晉元帝太興四年

書法 高帝之復豐沛則其不書何非創也幾於其事端則
 餘者畧之可也

吳漢等拔胸斬董憲龐萌江淮山東悉平

此當書斬董憲誅龐萌

吳漢等諸將還京師置酒賞賜帝積告兵間以隗囂遣
 子內侍公孫述遠據邊垂乃謂諸將曰且當置此兩子
 於度外耳因休諸將於雒陽分軍士於河內數騰書隴
 蜀告示禍福帝與述書曰君非吾賊臣亂子倉卒時人
 皆欲為君事耳天下神器不可力爭
 宜留三思署曰公孫皇帝述不答

集覽 倉卒時卒讀曰猝倉卒急

巫山之固築壘堅守傳檄吳楚長沙以南必隨風而靡
令延岑出漢中定三輔天水龍西拱手自服如此海內
震搖莫有六利述然非言欲悉發兵使其延岑田戎分
兩道與漢中諸將合兵并執蜀人及其第光以爲不宜
我亦數請兵立功遂終疑不聽唯公孫氏得任事述之
爲政苛細察於小事如爲清令符而已立其兩子爲
王食健爲廣漢各數縣或諫曰成敗未可知我士暴露
而先王愛子示無大志也述不從由荆州不克帝怨三
述使田戎出江關蜀置上言述欲以取荆州下相患須
罪惡孰著而攻之帝知其終不爲用乃謀討之遣耿弇
蓋延等七將軍從龍道伐蜀先使中郎將來歙奉璽書
湯蓋喻旨置兪允疎不次歙遂發憤責兪曰國家以君
知臧否曉廢興故以手書暢意足下推忠誠既遣伯春
委質而反欲用佞或之言爲族滅之計邪因欲前刺
置起入部勒兵將殺歙徐校節就車而去置使牛邯
將兵圍守之置將王遵諫曰殺之無損於漢而隨以族
滅歙爲人有信義言行不違及往來遊說皆可按
覆西州七大夫皆信重之多爲其言故得免歸

集覽

發間使名攜貳左傳間攜貳注攜難而相疑貳者也
使注見武帝元狩元年清水邑名在隴西案郡國志古
清水縣屬天水郡杜甫詩清渠一邑傳即此廣漢括地
志云益州谷縣漢廣漢也今成都路漢州是劉甲人物
志序云唐以前凡稱郭及廣漢者乃漢川也先王愛子
先封其所愛二子爲王非惡郭著先與熱通註也著明
也兪隸先與猶通猶豫注見秦孝文元年賈賁正責
之也前書及黠賈責張湯於上前注賈對之也臧否善
與不善也左傳一臧一否注或吉或凶也職事順
成爲臧逆爲否否音鄙荀春隴置長子隴恂字
一統志云平陵縣名注見周赧王四年漢中江陵縣名注
見建武元年梁州注見周赧王四年漢中江陵縣名注
見漢王邦元年西州注見周赧王四年漢中江陵縣名注
輔注見武帝元年初四年隴西郡名注見秦王政三年
隴漢中人清水漢之縣名屬天水郡晉屬秦陽郡後魏
分畧陽置清水郡尋廢隋屬天水郡唐初置邽州於清
水城尋廢邽州以縣屬秦州後尙於吐蕃大中初收復五
代唐移置於上邽鎮宋金仍舊元以治坊管入廣漢朝
因之改屬鞏昌府隴爲郡名注見建武十二年廣漢朝
之隴名屬黃漢郡梁於此置北宕渠郡及鹽亭縣西魏

通鑑綱目卷之九
漢紀六十四建武六年

置鹽亭郡隋罷郡存縣唐屬梓州又分置永泰東關二
縣宋仍舊元併永泰東關入焉國朝因之屬潼州

五月還宮

考異

提要月下有帝字據
間無異事帝字當省

○隗囂反使其將王

元據隴坻諸將與戰大敗而還

質實

（隴坻注見）
建武八年 ○六月并

省縣國減損吏員

詔曰夫張官置吏所以為民也今百姓遭難戶口耗少
而縣官吏職所置尚繁其令司隸州牧各實所部省減
吏員縣國不足置長吏者并之於是并省四百餘縣吏
職減損十置其一胡氏曰按此詔六月所下歲十二月
即詔田租三十稅一胡氏曰按此詔六月所下歲十二月
見效之速如此此孟子對齊王所以有不能不為之說

秋九月晦日食

執金吾朱浮上疏曰昔堯舜之盛猶加三考大漢之興
亦累功效吏皆積久至長子孫而聞者守宰數見換易

迎新相代疲勞道路尋其視事日殘未足昭見其職
加嚴切人不自保迫於舉劾懼於刺譏故宰師詐偽以
希盈譽斯乃以致日月失行之應也願陛下遊意於涇
年之外望洽於一由之後天下幸甚帝來其言自是改
守易代 **集覽** 三考考九載也九載則人之賢否事之
煩簡 **實也** 三考考九載也九載則人之賢否事之
得失可見於是陟其明而黜其幽至長子孫前書王嘉
傳文帝時吏居官者或長于孫如淳注時無事吏不數
遷其至於子孫長 **質實** 采浮沛國
大而轉職任 **蕭縣人**

冬十二月大司空弘免○復田租舊制

詔曰頃者師旅未解用度不足故行十一之稅今
糧儲差積其令郡國收見田租三十稅一如舊制

隗囂遣兵下隴馮異祭遵擊破之

諸將之下隴也帝詔耿弇軍漆馮異軍拘邑祭遵軍汧
吳漢等還屯長安馮異引軍未至拘邑隗囂乘勝使王
元行巡將二萬餘入下隴分道巡取拘邑異即馳兵欲
先據之諸將曰虜兵盛而乘勝不可與爭鋒宜止軍便

通鑑綱目卷之七十一 漢紀六十五 光武皇帝 建武八年

地餘思方畧異曰虜兵臨境伏小利遂欲深入若得
 拘邑三輔動搖夫攻者不足守者有餘今先據城以逸
 恃勞非擊鼓建旗而潛出巡軍驚亂奔走追擊大破之祭
 與卒擊鼓建旗而潛出巡軍驚亂奔走追擊大破之祭
 亦破王元於沂於是地諸
 豪長耿定等悉畔隗囂降
 雲漆水原出岐州晉閩縣東南岐漆水為名括地志
 幽州新平縣古漆縣也拘邑史記王子矣者表漢武封
 城陽頃王子劉買於拘索隱曰拘音荀拘邑在幽州表
 作拘音俱在東海地理志拘邑在扶風當知與東海之
 拘別也所音牽地理志扶風有拘邑在扶風當知與東海之
 沂源縣西六十里有沂山東鄰汶油西接龍崗沂水出
 焉東入渭索隱曰沂或作岍蓋有沂水沂山故也恒伏
 本傳注慣習也左傳一夫不可與居注岍水沂山故也恒伏
 伏音誓
 賢實
 廣壽縣後周改漢之縣名屬右扶風後魏置
 復析置屬邠州神龍初屬京兆府景龍初復屬邠州朱
 屬乾州金屬邠州元復屬乾州本朝因之屬西安府
 拘邑漢之縣名屬右扶風三國魏省之故城在西安府
 淳化縣西一百三十里發三水縣東二十五里所漢之

縣之屬右扶風晉省隴襄復周置沂陽郡及縣以在沂
 水之陽故各尋廢郡以縣屬隴州唐宋金元俱仍舊
 本朝因之改
 屬鳳翔府

馮異擊盧芳匈奴兵破之北地上郡安定皆降○竇融遣

第上書

書曰臣幸得記先君未屬累世二十石臣復假登將帥
 守持一隅故遣劉鈞口陳肝膽自以底裏上露長無纖
 芥而墮書盛稱蜀漢二主三分鼎足之權任職尉伯之
 謀竊自痛傷臣融雖無識猶知利害之深順逆之分豈
 可肯真舊之主事姦偽之人發忠貞之節為循覆之事
 棄已成之基求無冀之利此三者雖問狂天猶知去就
 而臣獨何以不用心謹遣弟友請闕口陳至誠友至高平
 會隗囂交道不通乃遣司馬席封間道通書帝復遣封
 賜融友書所慰藉之甚厚融乃與隗囂書曰將軍親
 遇厄會之際國家不利之時守節不回承事本朝融等
 所以欣服高義願從役於將軍者良為此也而忿捐之
 聞改節易圖委成功造難就百年累之一朝毀之豈不

借乎始執事者貪功建謀以至於此當今西州地勢危
 迫民兵離散易以輔人難以自建計若失略不反聞道
 猶迷不南合于陽則北入文伯耳夫負虛交而易疆禦
 侍遠救而輕近敵未見其利也自兵起以來成郭皆為
 立使積病不轉於遂廖勿融聞為忠甚易得宜實難
 是使積病不轉於遂廖勿融聞為忠甚易得宜實難
 入且猶不忍況仁者乎融聞為忠甚易得宜實難
 憂人太過以德取怨知且融聞為忠甚易得宜實難
 底裏上露也戰國策魯連曰棄忿悁之節實難
 年反亦為也戰國策魯連曰棄忿悁之節實難
 交而不誠實易疆禦注禦禁也言力疆不可禁
 年仇牧不長疆禦注禦禁也言力疆不可禁
 交今按負猶恃也言倚
 情虛交指于陽文伯
 間發後魏置高平鎮後為太平郡兼置京州隋初廢郡
 州如故大業間廢州為高平郡唐初為京州後改平涼
 郡乾元初復京州屬鞏昌路
 本朝改州為縣平涼府元

隗囂降焉

先是隗囂問於班彪曰往者周亡戰國並爭數在然後
 定意者從橫之事復起於今乎將乘運迭興在於今日
 也應曰周之廢興與漢殊異昔周爵五等諸侯從政本
 根既微枝葉疆大故其末流有從橫之無百年之柄至
 承秦制改立郡縣主有專已之威臣無百年之柄至
 成帝假借外家哀平短祿國嗣三絕故王氏擅朝能竊
 魏位危自上起傷不及下是以前真之後天下莫不引
 領而歎十餘年間中外騷擾遠近俱發假號雲合咸稱
 劉氏不謀同辭方今雖無六國之生言周
 資而百姓謳吟思仰漢必復興已可知矣
 漢之勢可也至於但見愚人習識劉氏姓號曰生言周
 漢復興疎矣昔秦夫其鹿劉李逐而猗之特民復知漢
 乎彪乃為之著王命論以風切之曰俗見高祖與於布
 衣不達其故至比天下於逐鹿幸捷而得之多亂臣賊子
 有命不可其故至比天下於逐鹿幸捷而得之多亂臣賊子
 也夫纖謹流隸飢寒道路所願不貴四海之富神明
 壑何則貧窮亦命也先乎天子之貴四海之富神明
 之祿可得而妄處哉故雖遭厄會竊其權柄勇如信
 布疆如梁籍成如王莽然卒潤鑊伏質烹醢誠知覺寤
 么麼尚不及數子而欲闔奸天位者厚英雄誠知覺寤

通鑑目錄卷之九 漢光武皇帝建武六年 廿

遠覽深識審神器之有披毋貪不可糞則福祿流于子
 孫天祿其永終矣置不聽馬援聞鬼置鈔貳於漢數以
 書責警之置得書增怒及置發兵反援上書願聽詣行
 在極陳滅置之術帝乃召之援具言謀畫帝因使援將
 突騎五千往來游說置將高峻任禹之屬下及羗豪為
 陳禍福以離置支黨援又為書與置將揚廣使曉勸於
 置曰援竊見四海已定光民同情而李孟閉拒背畔為
 天下表的計乃聞李孟歸定於援而納王游翁鬱鬱以
 則隱之計乃聞李孟歸定於援而納王游翁鬱鬱以
 因自謂函谷以西舉足可定以今而觀竟何如邪今國
 家待春卿意深宜使牛羴知與諸耆老人共說李孟
 若計畫不從真可引領而去矣前披輿地圖見天下
 國百有六所柰何欲以區區二邦以當諸夏百有四乎
 春卿事李孟外有君臣之義內有朋友之道言君臣邪
 固當諫爭語孟外有君臣之義內有朋友之道言君臣邪
 陵叩舌不得父手從朋友邪應有切嗟豈有知其無成而
 矣援大兵卒至驚恐自投廣竟不答鬼置上疏謝曰更
 民聞大兵卒至驚恐自投廣竟不答鬼置上疏謝曰更
 敢廢臣子之節親自追還昔虞舜事父大杖則走小杖
 則受臣雖不敏敢忘斯義今臣之事在於本朝賜死則

死加刑則刑如更得沈心死骨不朽有司以囂言慢
 誅其子弟帝不忍復使冰歛至汧陽賜置書曰今若束手
 復遣向弟歸闕庭者則爵祿獲全有浩大之福矣吾年
 垂四十在兵中十歲厭浮語虛辭即不欲勿報置知帝
 審其詐遂遣使集覽假借外家假借並去聲外家三氏
 稱臣於公孫述集覽也謂以權勢假借與諸舅秦失其
 雁劉李逐而持之集覽也謂以權勢假借與諸舅秦失其
 之於高材疾足者先傳襄十四年警如捕鹿晉人角
 李高帝也諱邦字季左傳襄十四年警如捕鹿晉人角
 之諸戎倚之注邦字季左傳襄十四年警如捕鹿晉人角
 疏隸流離之人早隸之徒信布韓信懸布梁籍項梁項
 籍成如王莽謂王莽隸之位其勢已成也後書郅支傳
 成主注謂王莽謂王莽隸之位其勢已成也後書郅支傳
 古曰稱微細曰么麼集覽也後書郅支傳
 非禮也左傳襄十四年誰敢奸犯君位季
 孟隗也字表通鑑釋文曰表卑注誰敢奸犯君位季
 的射也言為指的至遊翁詔邪之說王元字遊翁去
 年元說也言為指的至遊翁詔邪之說王元字遊翁去
 陵與弱也集覽也言為指的至遊翁詔邪之說王元字遊翁去

卯辛

七年春三月罷郡國車騎材官還復民伍

形也愚謂萎膝蓄縮貌咋舌不言貌又手不動貌謂豈
可蓄縮而禁聲拱手以就族滅乎戰國魏吳起與田文
論功文曰云云起咋舌不敢談以是知咋舌非大聲也
過是欲少味矣猶言當及今早為之計失此會後欲為
之悔無及矣洗心注洗又悉殄反盡也洗通作洒前書平
聖紀洒心自新注洒小禮反殄殄反盡也洗通作洒前書平
帝紀洒心自新注洒小禮反殄殄反盡也洗通作洒前書平
尚第去年已遣恂入侍故今云即不欲為句
今按吹與醋醋通齧也
前灌夫傳醋古自殺
所水之陽故各晉省之後周復置屬隴州
唐宋金元俱仍舊本朝因之屬鳳翔府

書法

高帝之得天下也書兵罷歸家在祖之中興也
書罷郡國材官還復民伍與書銷兵器秦毀兵

仗隋者其用心之
公私不啻霄壤矣

公孫述立隗囂為朔寧王

晉書

一統志云朔寧漢之郡
名治馬邑縣東漢乘發

死如刑則刑如更得洗心死骨不朽有司以驚言慢請
誅其子帝不復使來歙至所賜書曰今若束手
復遣向弟歸闕庭者則爵祿獲全有浩大之福矣吾年
垂四十在兵中十歲厭浮語虛辭即不欲勿報置知帝
審其詐遂遣使
稱臣於公孫述
鹿劉李逐而持之史記淮陰侯傳秦失其鹿天下共逐
之於是高材疾足者先得焉張晏曰以鹿喻帝位也劉
季高帝也諱邦字季左傳襄十四年譬如捕鹿晉人角
之諸戎持之注邦字季左傳襄十四年譬如捕鹿晉人角
流隸流離之人早隸之徒賈逵注國語云從後牽曰荷
籍成如王莽謂王莽為己成之位其弟已成也後書彭
成主注謂王莽謂王莽為己成之位其弟已成也後書彭
古曰稱微細曰么麼閭姓天位閭於感反隱晦貌反顏
非禮也左傳襄十四年誰取好君注誰敢反隱晦貌反
孟隗囂字表通鑑釋文曰表早遇反標也言為標準
的射的也言為指的至遊翁諂邪之說王元字遊翁去
年元說囂曰請以一丸泥東封函谷關春卿揚黃字去
賤與弱也咋則革反大聲也又初加反手指相錯象義

孟隗囂字表通鑑釋文曰表早遇反標也言為標準

形也愚謂萎膝蓄縮貌咋舌不言貌又手不動貌謂豈
 可蓄縮而禁聲拱手以就族滅乎戰國魏吳起與田文
 論功文曰云云起咋舌不敢談以是知咋舌非大聲也
 過是欲少味矣猶如食物過時則無滋味也洗心易繫辭
 之悔無及矣猶如食物過時則無滋味也洗心易繫辭
 聖人以此洗心注洗又悉殄反盡也洗通作洒前書平
 帝紀洒心自新注洒小禮反所陽扶風邑復遣
 恂第去年已遣恂入侍故今云即不欲為句
 今按恂與醋蘇通齧也
 前權夫傳醋舌自殺
 唐宋金元俱仍舊本朝因之屬鳳翔府

卯辛

七年春三月罷郡國車騎材官還復民伍

書法

高帝之得天下也書兵罷歸家在祖之中興也

伏隋者其用心之公秋不啻膏壤矣

○公孫述立隗囂為朔寧王

贊賞

一統志云朔寧漢之郡名治馬邑縣東漢乘廢

之故城在大同府城西南

○是月晦日食詔百僚各上封

事不得言聖

太中大夫鄭興上疏曰夫國無善政則謫見日月要在
 因人心之擇人處位今公卿大夫多舉漁陽太守郭伋
 可大司空者而不以時定道略流言咸曰朝廷欲用功
 臣功臣用則人位謬矣願陛下屈已從眾以濟群臣讓
 善之功負年日食每多在悔先時而合皆月行疾也日
 君象而月臣象君亢急則臣下促迫故月行疾今陛下
 高明而群臣惶促宜留思柔克之政垂意於
 範之法帝躬勤政事煩傷嚴急故興及之
 先去聲謂不俟朔日而會合君亢急高極也君之行
 過於嚴急高明書洪範六三德高明柔克蔡氏傳曰高
 明者高亢明柔克宜以柔治剛也
 治也高明柔克宜以柔治剛也
 人陽

書法

日食書求言有之矣未有書各者各者何無一
 人不責之以言也且戒不得言聖帝之遇災思

外可謂誠矣
故特書之

人君莫不憚於聽言而詔各上封事人君莫不
喜於好高而詔不得言聖書之于冊光武於是
乎不可
及矣

夏五月以李通為大司空。冬盧芳朔方雲中郡降。

芳以事誅其五原太守李興兄弟其朔方太守
田颯雲中太守喬苞各舉郡降帝令領職如故
郡名注見明帝永平八年朔方郡名注見武
帝元朔元年雲中郡名注見蔡王政三年

以杜詩為南陽太守

詩政治清平興利除害百姓便之又膺洽彼池廣拓王
田郡內比室殺足時人方於召信臣南陽為之語曰前
有召父後
有杜母

書法
尤光武之後此補書太守十一人杜詩張堪第五倫其
後元帝時人質實信臣九江壽春人

之賢者祝良李固張綱輩皆
以平盜賊稱則在道可悲矣

八年春遣中郎將來欽伐隗囂略陽斬其守將夏閏四

月帝自將征鄗竇融等率五郡兵以從鄗衆皆降鄗奔西

城是漢引兵圍之
考異
據前書隗囂反後書討隗囂則
考

證
伐當作討。謹按鄗奉為漢破虜將軍彭寵漁陽太守
隗囂以鄗奉承制為西州上將軍皆漢之臣子故曰誅

討曰
來欽將二千餘人伐山開道從番須回平徑襲略陽斬

隗囂守將金梁鄗大驚曰何其神也帝聞得略陽甚喜

曰畧陽鄗所依阻心腹已壞則制其支體易矣吳漢等

諸將聞欽據略陽爭馳赴之上以為鄗失所恃亡其要

城執必悉以精銳來攻曠日久之圍而城不披士卒頗散
乃可乘危而進皆追漢等還隗囂果使王元拒隴抵行

巡守番須口王孟塞雞頭道牛邯軍瓦亭鄗自悉其大
衆數萬人圍略陽公孫述遣將李育田弇助之擊山築

為兵器盡統攻之累月不能下夏堅守矢盡發至斷木以
光祿勳郭憲諫曰東方初定車駕未可遠征乃當車拔
風刀以斬車制帝曰不從西至漆諸將多以王師之重不
宜遠入阻險計猶未決帝召馬援問之援因說隗囂
將帥有土崩之勢執兵進有必破之狀又於帝前聚米為
山谷指畫形勢開示軍衆所從道徑往來分折昭然可
曉帝曰虜在吾目中矣明且遂進軍至高平第一營
率王郡太守及羌虜小月民等步騎數萬輜重五千餘
兩與太軍會是時軍旅草創諸將朝會禮容多不肅融
先遣從事問會見儀帝聞而善之以宣告百僚乃置酒
高會待融等以殊禮遂進軍數道上隴使王遵以書招
牛耶下之拜耶大夫於是鄧大將十三人蜀縣十
六衆十餘萬皆降融將妻于犍西城從揚廣而田奔李
育保上邽略陽圍解帝勞賜來歙班坐絕席在諸將之
右賜歙妻縑千匹進幸上邽詔告隗囂曰若束手自詣
父子相見保無他也若遂欲為黔布者亦自任也鄧終
不降於是誅其子恂使吳漢岑彭圍西城耿弇蓋延圍
上邽以四縣封實融為安豐侯弟友為顯親侯及五郡
太守皆封列侯遣西還所鎮融以又專方面懼不自安

數上書求代詔曰吾與將軍如左右手耳數
執謙退何不曉人意勉循士民無擅離部曲
盤正義曰番須谷名在扶風汧縣回中注見秦始皇二
十七年略陽注見晉懷帝永嘉四年壬卒順散委頓因
散也隴抵在隴西郡漢陽縣城音典禮反杜佑通典曰
漢陽有大阪曰隴抵亦曰隴山案隴山南連秦嶺北抵
黃河東西百八十里其阪九回上者七日乃越登隴東
望秦川極目泯然隴外無蠶桑五月陳鮮八月乃麥雞
頭道注見秦始皇二十七年斷車制斷音短截也割音
引所以引軸一曰駕車靶在背曰制高平第一安定郡
高平縣有第一城此安定在隴西今熙河路寧州是西
城西邑名屬隴西郡有塿冢山漢水所出上邽地地理志
隴西郡上邽縣應劭曰古邽戎地秦武公滅邽置縣
其地有邽山今天水軍上邽縣是絕席謂班坐在衆人
之上尊龍之也漢官儀云御史大夫
尚書令司隸校尉皆專席三獨坐
西北六十里即隴山也山高而長其頂有泉曰注說文
隴山天水郡之大坂也其坂九回欲登者七日乃得越
顧瞻莫不悲思俗歌云隴頭流水鳴聲幽咽遙望秦川
肝腸斷絕(瓦亭)閑名在平涼府華亭縣西北一百八十

集覽
番須
番音
秦始
皇二
十七
年略
陽注
見晉
懷帝
永嘉
四年
壬卒
順散
委頓
因
散也
隴抵
在隴
西郡
漢陽
縣城
音典
禮反
杜佑
通典
曰
漢陽
有大
阪曰
隴抵
亦曰
隴山
案隴
山南
連秦
嶺北
抵
黃河
東西
百八
十里
其阪
九回
上者
七日
乃越
登隴
東
望秦
川極
目泯
然隴
外無
蠶桑
五月
陳鮮
八月
乃麥
雞
頭道
注見
秦皇
皇二
十七
年斷
車制
斷音
短截
也割
音
引所
以引
軸一
曰駕
車靶
在背
曰制
高平
第一
安定
郡
高平
縣有
第一
城此
安定
在隴
西今
熙河
路寧
州是
西
城西
邑名
屬隴
西郡
有塿
冢山
漢水
所出
上邽
地地
理志
隴西
郡上
邽縣
應劭
曰古
邽戎
地秦
武公
滅邽
置縣
其地
有邽
山天
水軍
上邽
縣是
絕席
謂班
坐在
衆人
之上
尊龍
之也
漢官
儀云
御史
大夫
尚書
令司
隸校
尉皆
專席
三獨
坐
西北
六十
里即
隴山
也山
高而
長其
頂有
泉曰
注說
文
隴山
天水
郡之
大坂
也其
坂九
回欲
登者
七日
乃得
越
顧瞻
莫不
悲思
俗歌
云隴
頭流
水鳴
聲幽
咽遙
望秦
川
肝腸
斷絕
(瓦亭)
閑名
在平
涼府
華亭
縣西
北一
百八
十

通鑑纂要卷之六十一

今治金屬大名府路元初隸東平路至元初折為博州
路尋改為東昌路本朝改東昌府隸山東道齊陰漢
之郡名治定陶縣後置國尋復為郡三國魏因之晉改
為齊陽郡後周改為曹州隋復改齊陰郡唐初復為曹
州後復為齊陰郡五代晉置威信軍周改彰信軍宋為
興仁府金復為曹州元仍舊本朝初改為縣後復陞
為州屬兗州府東光漢之縣名屬渤海郡後魏徙渤海
郡治此隋初郡廢置觀州大業初州罷屬平原郡以安
陵縣省入唐屬滄州貞元初改屬景州五代周以弓高
縣省入宋為永靜軍治金為觀州治元屬景州本朝
因之改屬
河間府

書法

特筆也帝於是可謂不敢自暇矣高帝書留四
日復如廣武世祖書還宮六日自將討平之二

祖同一
轍也

發明

帝王經營大業固不可以憚勞然世祖方征
北自夏迄秋經歷數月至是還宮甫爾一聞
川盜起即自將討之于時猛將如雲豈無可任之人
願乃不遑安處如此特書六日則帝之不自暇逸為

如何哉光濟
中興宜矣

冬公孫述遣兵救隗囂吳漢引兵下隴

揚黃死隗囂窮困初帝救吳漢曰諸郡甲卒但坐費糧
食若有逃亡則沮敗衆心宜悉罷之漢等貪并力攻鄴
遂不能遣糧食日少吏士疲役逃亡者多岑彭壅谷水
灌西城城未沒丈餘會王元行巡周宗將蜀兵五千餘
乘高卒至鼓譟大呼曰百萬之衆方乃至漢軍大驚未
及陳元等決圍殊死戰遂得入城迎囂歸冀吳漢軍食
盡乃燒輜重引兵下隴蓋延耿弇亦相隨而退囂出兵
尾擊諸營岑彭為後拒諸將乃得全軍東歸唯祭遵此
天不龍西復反為囂校尉太原温序為囂將荀宇所獲
宇欲降之序大怒叱宇等曰虜何敢迫脅漢將因以節
綱殺數人宇衆爭欲殺之宇止之曰此義士死節可賜
以劔序受劔銜須於口願左右曰既為賊所殺無令須
汗血遂伏劔而死從事王忠持其喪歸雒陽詔賜以家
地拜三子為郎

集覽

殊死戰謂決意必死也顏師古曰殊絕也
異也言其身首離絕而異處冀周以前為

西戎地秦武公滅邽戎置縣括地志云邽縣屬天水郡東漢改天水為漢陽郡治邽

質實 志云統

漢陽郡晉屬天水郡後魏改當亭郡後周改邽城縣唐改為伏羌縣兼置伏州尋廢州以縣屬秦州宋初為伏羌寨屬清水縣後為伏羌城屬秦州金廢為寨元復陞為伏羌縣本朝因之屬鞏昌府津鄉注見建武五年

大水

癸巳

九年春正月征虜將軍領陽侯祭遵卒於軍詔馮異領其

營

質實 一統志云領陽漢之縣名屬潁川郡東漢末廢之故城在河南府登封縣西南八十里

道為人所約小心克已奉公賞賜盡與士卒約東嚴整所至吏民不知有軍取士皆用儒術對酒設樂必雅歌投壺臨終遺戒薄葬問以家事終無所言帝愍悼之尤甚遵喪至河南車駕素服臨之望哭勸觀祠以大車臨其墳存見夫人室家其後朝會帝每嘆曰安得憂

祭公如祭征虜者乎衛尉姚期曰陛下至

集覽 雅歌投壺祭公如祭征虜者乎衛尉姚期曰陛下至

仁哀念祭遵不已群臣各懷慙懼帝乃止

詳見禮記天長秋百官表有特行景帝更名大長秋注皇太后也後百官志大長秋一人前或用士人中興常用宦者職掌奉宣中宮命謁者注見高帝七年存見存者恤

質實 姚期穎川鄉人

書法 卒於軍何嘉死事也終綱目書卒于軍者八祭遵馮異馬援諸葛亮劉方段文振任雅相李嗣

業皆嘉之也故書卒於軍

隗囂死諸將立其子純

王總兵據冀公孫述遣將趙匡田弇助純帝使馮異擊之

集覽 隗囂死諸將立其子純

王總兵據冀公孫述遣將趙匡田弇助純帝使馮異擊之

公孫述遣兵陷夷陵據荆門

述造其翼江王田戎大司徒任蒲南郡太守程汎將數萬人下江關擊破馮駿等軍遂拔巫及夷道夷陵因據荆門虎牙橫江水起浮橋關樓立營往集覽江關荆門以絕水道結營跨山以塞陸路拒漢兵

山之間名曰江關荆門虎牙二山俱在峽州荆門在江南屬宜都縣虎牙在江北屬夷陵縣二山相對楚西塞也張式記云荆門峯巒對起厥狀如門故名荆門虎牙山石文如齒故名虎牙晉注攸祖丸反叢木以為柱

管實 一統志云(巫)漢之縣名屬南郡晉屬建平郡梁為歸鄉縣置信陵郡後周郡廢改縣曰樂鄉屬信州

隋改為巴東縣唐屬歸州宋元仍舊 國朝初改屬夷陵州後復屬荆州府夷道漢之縣名屬南郡蜀置宜都郡劉宋折置宜昌縣陳改宜都縣隋復曰宜昌屬荆州唐復曰宜都置荆州府夷道漢之縣名屬南郡

縣宋元仍舊 國朝因之改屬荆州府夷陵縣屬南郡三國魏於此之地名秦伐楚燒之漢為夷陵縣屬南郡西陵晉復曰夷陵置臨江郡蜀漢改為宜都郡又改縣為西陵晉復曰夷陵梁兼置宜州西魏改為拓州後周又改峽州隋初郡廢後改州為夷陵郡唐初復為峽州天寶初又改夷陵郡元初復為峽州宋因之元改為峽州路 國朝初為

峽州府後改為夷陵州以夷陵縣省入屬荆州府荆門山名在荆州府宜都縣西北五十里大江南北岸與荆門山相對虎牙山名在荆州府城南大江南北岸與荆門山相對狀如虎牙昔公孫述遣將依二山作浮橋拒漢師下有虎牙灘 又名武牙

夏六月吳漢等擊盧芳匈奴救之漢等不利

吳漢率王常等四將軍兵五萬餘人擊盧芳將賈覽聞堪於高鄉匈奴救之漢兵不利於是匈奴轉盛鈔暴目增詔朱祐屯常山王常屯涿郡破姦將軍侯進屯

漁陽以討虜將軍王霸為上谷太守以備匈奴

集覽 高柳縣名屬代郡常山常本作恒漢書避文帝諱你常爾雅恒山為北嶽史記注恒山在定州恒陽縣西北百四十里白虎通曰陰終陽始其道常久故曰恒山漢恒山郡周武帝置恒州因山名焉今真定府是恒山漢恒山郡周武帝置恒州因山名焉今真定府是恒山漢恒山郡

管實 一統志云(恒)山漢初郡名治真定縣後避諱改曰常山武帝初置真定國於此常山屬馬東漢建武間併真定屬常山國魏復為郡晉因之治真定後魏移治安樂壘後周於郡置恒州隋廢郡存州大業間省州

夫外戚家苦不知謙退嫁女欲配侯王取婦聘脫公主
 愚心實不安也富貴有極人當知足夸奢益為觀聽所
 譏貴人感其言深自降集覽先登左傳隱十年公會
 把卒不為其親求位集覽齊侯鄭伯伐許穎考叔取
 鄭伯集覽注見高帝六年取婦取讀與娶同聘脫入敵陳之
 中集覽注見高帝六年取婦取讀與娶同聘脫入敵陳之
 反脫研計反斜視也集覽奢奢與抑同正誤深自降把今
 奢後也降把把乙力反義與抑同正誤按胡三省註
 以器俯而取水曰質實新野人光武帝之后
 把故為謙下之義質實

午甲

十年春正月吳漢等擊虜芳將賈覽破走之○夏征西大

將軍夏陽侯馮異卒於軍質實一統志云夏陽漢之縣名

城在西安府郿陽縣東四十里
 內有周文王妃太妃墓存焉

書 書卒於軍
 嘉死事也

○秋八月帝如長安遂至沂隗囂將高峻降

初囂將高峻擁兵據高平第一建威大將軍耿弇
 圍之一歲不投帝自將征之集覽建威大將軍耿弇
 應接近便安定龍西必懷震懼此從容一處可以制
 方也今士馬疲倦方履險阻非萬乘之固也前年
 可為至戒帝不從進幸沂遣集覽往降之囂至第一
 遣軍師皇甫文出謂辭禮不盈集覽往降之囂至第一
 高峻猜兵萬人率多疆弩西集覽往降之囂至第一
 之而反戮其使無乃不可乎集覽往降之囂至第一
 告峻曰軍師無權已戮之矣集覽往降之囂至第一
 恐即日開城門諸將皆賀因集覽往降之囂至第一
 何也問曰皇甫文峻之腹心集覽往降之囂至第一
 不蚤必無降心全之則文得集覽往降之囂至第一
 以降耳諸將皆集覽往降之囂至第一
 曰非所及也集覽往降之囂至第一
 勇正誤飛容一處今按從七容切質實高平第一城名
 冬十月來歙等攻破落門隗純降王元犇蜀隴右悉平集覽

覽 落門聚名在天
 水郡冀縣南

道鑑綱目卷之...

徒諸將入京師以東後魏純與
 賓客亡入胡至武威捕得誅之
 又於此置涼州後魏立武威郡隋
 所據尋克平之復置涼州天寶初
 涼州元政西涼州行都國朝改置
 州衛仍屬四川行都指揮使司

先零羌寇金城來款擊破之

於是開倉廩以賑飢乏
 隴右遂安而涼州通焉
 郡魏晉時為重鎮後魏周並為武
 州大業初發州置金城郡唐復置
 郡乾元初復為蘭州水治蘭泉縣
 元屬鞏昌路國朝改州為縣屬臨
 洮府

帝還宮

書法

八月如長安於
 是還宮志文也

十一年春三月遣吳漢等將兵會岑彭伐蜀破其浮橋遂

入江關

岑彭屯洋鄉數攻田戎等不克
 劉隆等三將發荆州兵凡六萬
 荆門彭彭裝戰船數千艘吳漢
 羅之彭彭以為蜀兵盛不可遣
 馬胥用步騎不曉水戰荆門之
 已聞月岑彭令軍中募攻浮橋
 軍魯奇應募而前時東風狂急
 浮橋而攢柱有反把鉤奇船不
 因飛炬焚之風怒火盛橋樓崩
 所向無前蜀兵大亂死者數千
 而田戎走保江州彭上劉隆為
 軍滅宮驍騎將軍劉歆長驅入
 所過百姓皆奉牛酒迎彭復讓
 門降詔彭守益州牧所下郡輒
 以太守號號付後將軍選官屬
 其城固糧多難卒殺留馮駿守
 江攻破平曲夷陵裝露榜繼進
 石吳漢留夷陵裝露榜繼進

集覽

浮橋平猶言萬師也掉

直義反所封於汜水故今稱為重先言事權盡當歸
大將軍後封於汜水故今稱為重先言事權盡當歸
重於彭彭上劉隆是掌反登進之墊江禹貢梁州之
域秦漢巴郡墊江縣宋於此置宕渠郡西魏置合州改
墊江為石鏡縣改宕渠曰墊江郡唐改合州墊音徒
協反平曲正義曰平曲地名在廣漢郡(露)撓人遺反
爾雅撤謂之撓正義曰撓短也露
按上謂上請(質實)劉隆南陽安眾侯宗室也荆門山名
而命之也(質實)劉隆南陽安眾侯宗室也荆門山名
巴縣後周改巴城縣隋唐渝州治於此宋復為巴縣元
併壁山縣入馬安國朝因之改為重慶府治所仍屬焉
南郡注見獻帝建安十二年荆州城宮領川郡人(江)關
注見建武九年益州注見後主建興三年墊江秦之縣
名屬巴郡漢晉因之劉宋於此置東宕渠郡南齊以墊
江屬寧蜀郡西魏置合州改郡曰墊江縣曰石鏡隋
開皇初郡廢後改合州曰涪州大業初州廢為涪陵郡
唐初復改涪州大寶初又改巴川郡元初復為涪州
宋因之改懸曰石照淳祐中遷州治約魚山元復舊治

以赤永縣省入石照後併縣入州國朝
因之屬重慶府(夷陵縣各注見建武九年)

書法

特筆也浮橋不於成敗者綱目必特筆書之
漢書破蜀浮橋唐書斷周
浮梁丁巳年皆特筆也

夏先零羌反以馬援為隴西太守擊破之

集覽 先零羌注
見宣帝元

康四年 ○公孫述遣王元拒河池六月諸將擊破之述使盜

殺監護使者來歙詔以將軍馬成代之

公孫述以王元為將軍使與領軍環安拒河池六月來
歙與蓋延等進攻元安大破之遂克下辨乘勝遂進蜀
入大懼使刺客刺歙未殊駢召蓋延見歙因伏悲衰
不能仰視歙叱延曰虎牙何敢然今使者中刺客無以
報國故呼巨卿欲相屬以軍事而反效兒女子涕泣于
刃雖在身不能勒兵斬公邪延收淚起受所誠歙自
書表曰臣夜人定後為何人所賊傷中臣要害臣不敢
自惜誠恨奉職不稱以為朝廷羞夫理國以得賢為本

通鑑綱目卷之六十五 漢紀六十五 三

大中大夫段襄骨鯁可任願陛下裁察又臣凡第不肯
 終恐被罪陛下哀憐數賜教督投筆抽刀而絕帝聞大
 驚省書攬涕以揚武將軍馬成守中郎將

集覽 河池秦
 代之歙武還洛陽乘與縞素臨弔送葬

鳳州河池武郡其屬有河池縣隋置河池郡唐改為
 鳳州河池縣隸馬在利州西路下辨注見獻帝建安二
 十一年未殊謂命未殊絕邦三年謂虎牙將軍蓋延巨鄉
 蓋延字(胤)鯁注見漢王劉邦三年謂素注見秦莊襄王
 三寶(胤)鯁注見漢王劉邦三年謂素注見秦莊襄王
 年(胤)鯁注見漢王劉邦三年謂素注見秦莊襄王
 各河池縣唐因之元於此置南鳳州至元初改為壽州
 以河池及永寧縣省入鞏昌國朝因之屬鞏昌府

帝自將征蜀秋七月次長安 **考證** 征當作伐。謹按公孫
 武凡例曰用兵若非其臣子

○岑彭及將軍臧宮大破蜀

兵延岑走王元以其眾降

公孫述使其將延岑呂鮪王元公孫恢悉兵拒黃漢及
 資中又遣將侯丹率二萬餘人拒橫石岑彭使臧宮將

降卒五萬從涪水上平曲非延岑自分兵涪江下還江
 州涪郡江而上襲擊矣用大破之因晨夜倍道兼行二
 千餘里徑接武陽使精騎擊廣都去成都數十里執
 皆風雨所至皆奔散初延岑軍後蜀地震駭述大驚以杖
 之及彭至武陽繞出延岑軍後蜀地震駭述大驚以杖
 擊地曰是何神也延岑盛兵於沅水臧宮眾多食少轉
 輸不至降者皆欲散畔却邑復更保聚觀望成敗宮欲
 引還恐為所及會帝遣諸將兵詣岑彭彭有馬七百匹
 宮矯制取以自益晨夜進兵多張旗幟登山鼓譟左步
 右騎挾船而引呼聲動山岑彭不意漢軍卒至登山望
 之大震恐宮因縱擊大破之斬首溺死者萬餘人水為
 之濁延岑奔成其眾悉降軍至陽鄉王元舉眾降帝
 與公孫述書陳言禍福示以川青之信述省書歎息以
 示所親太常少光祿勳張隆皆勸述降述曰發興命
 也豈有降天子哉左右莫

集覽 資中漢驍驍為郡資中縣
 資州於資中故城隋置資陽郡唐改資州宋因之涪水
 關各在龍州距城一里水出廣漢郡剛氏道徼外南入
 于漢都江即成都江也益州成都縣括地志云邛南入
 一名成都江一名市橋江一名中江一名內江西北

自新繁縣界流來武陽縣屬犍為郡廣都縣蜀益州全
成都府縣去府東七十里沱水沱音元水在武陵郡臨
沱縣南酈道元水經云沱水出牂牁郡且蘭縣入沱或
作沱非是應劭曰沱水出牂牁郡且蘭縣入沱或
陵界分為五縣資實年一統志云廣漢縣名注見武去六
而引引進也資實年一統志云廣漢縣名注見武去六
改盤石縣徙資州治此兼置資中郡隋初復為郡乾元初又為
為資陽郡唐改郡為資州天寶初復為郡乾元初又為
州宋屬潼川府元省入簡州後復置國朝改州為資
縣屬成都府沱水在成都府綿州治東南源自龍州下
流入潼川府秦之縣名蜀郡漢屬犍為郡王莽改曰
名粉江武陽秦之縣名蜀郡漢屬犍為郡王莽改曰
戰成東漢仍曰武陽為犍為郡治梁犍為郡石縣西魏改
縣曰隆山置江州後周省州置隆山郡隋初郡廢以縣
蜀陵州唐因之先天初改彭山縣屬眉州宋元仍舊
國朝併入眉縣屬眉州廣都縣屬眉州宋元仍舊
蜀郡後周郡廢隋初改廣都為雙流縣取蜀郡賦帶二
江之雙流為名唐復析置廣都縣宋仍舊元省廣都入
馬國朝因之仍屬成都府沱水
在潼川州射洪縣東南八十里

帝還宮○冬十月公孫述使盜刺殺征南大將軍舞陰侯

彭

冬十月公孫述使刺客詐為亡奴降岑彭夜刺殺彭大
中大夫監軍鄭興領其營以俟吳漢至而授之彭持軍
整齊秋毫無犯中穀王任貴聞彭威信數千里遣使迎
降會彭已被害帝盡以任貴所獻賜彭妻子蜀人為立
廟祠資實臨一統志云舞陰漢之縣名屬南陽郡東漢改
之始改泌陽縣乾元初蜀州元初蜀州五代梁初嘗以泌州徙治
此宋金皆屬唐州元初因之後省國朝復置改蜀南
陽府印穀王任貴愚按一統志考索歷代郡州府縣俱
無號為印穀者惟漢武時任貴為越雋郡太守建武中
封為印都國王未
知是否知者鑑之

馬成等破河池平武都遂與馬援擊破先零羌

書法

於足再書述使盜殺述之所以蒲禦者下
矣終綱目書使盜殺三公孫述二表附一

道蓋河月六三
道蓋河月六三
道蓋河月六三

先一諸羌數萬人屯聚冠鈔非沿壘隘成與馬接深入
 討擊大破之徙降羌致天水隴之馬援上言破羌以內
 城多完牢易可依固其田土肥壤灌漑流通如令羌在
 隍中則為害不依固其田土肥壤灌漑流通如令羌在
 援為置長吏繕城郭起塢候開溝洫勸以耕牧郡中樂
 業又招撫塞外氏羌皆來降附奏復
 其侯王金君長帝悉從之乃罷馬成軍
 元年宣帝元康四年武帝元狩二年郭舉也
 注見宣帝元康四年武帝元狩二年郭舉也
 焉侯許慎說文為木作偏小障也司望曰候守疆吏也
 志武都山有白馬氏魚豢魏畧云漢置武都郡其種人
 分竄山谷或號馬氏魚豢魏畧云漢置武都郡其種人
 姓之別裔今河
 關之西南是
 髮烏孤所據後魏置鄯州西平郡唐因之治湟水縣上元
 置鄯州大業初廢州置西平郡唐因之治湟水縣上元
 間沒於吐蕃號青唐城宋復置鄯州西平郡唐因之治湟水縣上元
 元屬亦集乃路國朝改置西寧衛屬陝西行都同

郭伋為并州牧

郭伋為并州牧過京師帝問以得失伋曰選蒲衆職當
 簡天下賢俊不宜專用南陽人是時在位多鄉曲故舊
 故及言集覽郭伋姓名實帝建興四年晉愍
 及之

二年春正月吳漢大破蜀兵遂拔廣都

吳漢破公孫述將魏黨公孫永於魚涪津遂圍武陽述
 遣子督史興救之漢迎擊破之因入犍為界諸縣皆城
 守詔漢直取廣都擄其腹心漢乃進軍攻廣都拔之遣
 輕騎燒成都橋公孫述將恐懼日夜詭叛述雖誅
 城其家猶不能禁帝必欲降之又下詔諭述曰勿以
 款岑彭受害自疑今以特自請則宗族完全詔書手記
 不可數得述集覽魚涪津水渡也名曰魚涪在犍
 終無降意述集覽魚涪津水渡也名曰魚涪在犍
 實一統志云魚涪津在蜀州彭縣北臨大江廣數百步
 帝立戎州又置六同郡於南廣縣隋初廢六同郡而存
 帝立戎州又置六同郡於南廣縣隋初廢六同郡而存

戎州大業初改州為犍為郡唐武德初復為戎州後治南溪郡乾元初復為戎州宋初州治宜賓政和間改為叙州取西戎初復為戎州元陞叙州路以叙南等處宣撫司治此國即叙之義州府隸四川道廣

秋七月將軍馮駿拔江州獲田戎○吳漢進攻成都九月入其郭滅宮拔綿竹引兵與漢會

帝戒勿與爭鋒若不取來公轉營迫之須其力疲乃可擊也漢乘利遂自將步騎二萬進逼城下城十餘里阻江北營作浮橋使北將武威將軍劉尚將萬餘人屯於江南為營相去二十餘里帝聞之大驚讓漢曰比救公千條萬端何意臨事勦亂既輕敵深入又復尚別營事有緩急不復相及賊若出兵還廣都認書未到九月公即敗矣幸無他者急引兵還廣都認書未到九月果使其大司徒謝豐執金吾袁吉將眾十許萬分為二十餘營水攻漢使別將將萬餘人劫劉尚令不得相救

漢興大戰一日兵敗走入壁豐因圍之漢乃召諸將覆之曰吾與諸君踰越險阻轉戰千里遂深入敵地至其城下而今與劉尚二處受圍執既不相接其禍難量欲潛師就尚於江南并兵禦之若能同心一力人自為戰大功可立如其不然敗必無餘成敗之機在此一舉諸將皆曰諾於是饗士秣馬閉營三日不出少多樹幡旗使烟火不絕夜街拔引兵與劉尚合軍豐等不覺明日乃分兵拒水北自將攻江南漢悉兵迎戰遂大破之斬豐吉於於是引還廣都其得宜述必不敢略尚而深自譴責帝報曰公還廣都其得宜述必不敢略尚而深自譴責君先攻尚公從廣都五十里望悉步騎赴之適當值其危困破之必矣自是漢與述戰於廣都成都之間八戰入克遂軍於其郭中滅宮拔綿竹破涪城斬

集覽

義執金吾注見武帝太初元年又崔豹古今注云金吾車輻棒也漢執金吾亦捧各以銅為之金塗兩末謂之金吾御史大夫司隸校尉亦得執馬郡守縣丞長例皆以木為金吾用以乘車形如車輻轉戰轉陟充反轉相戰鬪也饗士秣馬秣莫曷反食馬以穀曰秣顏師古曰士言饗馬言秣秣皆所以飽之也綿竹縣名屬廣漢郡今成

蜀地悉平
冬十一月公孫述引兵出戰吳漢擊殺之延岑以成都降

郡路漢州綿竹縣繁郫二縣各也繁符袁反今成
都新繁縣是郫浦有反古郫滅也今成都郫縣是
出兵綴公今按實一統志云綿竹縣名注見獻帝與
綴猶羈絆也平元年涪城漢之縣名屬廣漢郡
東漢以後因之後周改為安城縣隋復為涪城縣元併
入郫縣故城在潼川州西北六十里繁漢之縣名屬蜀
郡以繁江為名蜀漢改為新繁縣晉宋齊復為繁縣後
周仍改新繁隋省入成都縣唐初復置宋元仍舊本
朝因之屬成都府郫古邑名為蜀王杜宇所都秦始置
郫縣隸蜀郡漢以後並因之隋大業初縣省尋復置唐
因之垂拱初析成都置郫縣宋省郫
浦入焉元仍舊本朝因之屬成都府

大司空通罷

通欲避權乞骸骨積二歲帝集覽以特進奉朝請特進
乃聽上印綬以特進奉朝請注見成帝鴻嘉元年
奉朝請如古諸侯朝請之禮也孟康曰春朝曰朝秋朝
曰請請音才性反杜佑通典曰奉朝請本不為官無員
漢東京罷三公外戚宗室諸侯多奉
朝請奉朝請者奉朝會請召而已

冬十一月公孫述引兵出戰吳漢擊殺之延岑以成都降
蜀地悉平

公孫述困急謂延岑曰事當奈何岑曰男兒當死中求
生可坐窮乎財物易聚耳不宜有變述乃悉散金帛募
敢死士五千餘人以配岑擊破吳漢軍漢墮水緣
馬尾得出漢軍餘七日陰具船欲道去蜀郡太守張
甚聞之馳往見漢說述必敗不宜退師之策漢從之冬
十一月械宮軍咸陽門述自將數萬人攻漢使延岑
宮大戰岑三合三勝自且至月中軍士不得食並疲漢
因使護軍高午唐邛將銳卒數萬擊之述兵大亂高
奔陳刺述洞胸墮馬左右輿入城述以兵屬延岑其夜
死明且延岑以城降吳漢夷述妻子盡滅公孫氏并族
延岑遂放兵太掠焚述宮室帝聞之怒以譴漢又讓劉
尚曰賊降三日吏民從服一旦放兵縱火聞之可為酸
鼻尚宗室子孫嘗更職何忍行此良失斬將乎民之
義也初述徵廣漢李業為博士業固稱疾不起述羞不
能致使大鴻臚尹融奉詔合以劫業若起則受公疾之
仁不起賜以毒酒融警旨曰方今天下分崩孰知是非

蜀地悉平
冬十一月公孫述引兵出戰吳漢擊殺之延岑以成都降

從貌(曉)狄道(長)曉諭狄道縣之令長也狄道注見高皇后六年(寺舍)官舍謂之寺

質實 (武都郡) 名注見

獻帝二十四年(隴西)郡名注見秦王政三年

詔邊吏料敵戰守不拘以逗留法

質實

逗留注見宣帝本始二年

發明

遇敵不進則法有逗留之罪然兵有利鈍事有緩急要在隨機應變可也尤武當四海平定之後詔邊吏料敵戰守不拘以逗留法不獨知用兵之要亦足見不貪功之意宜乎綱目詳書以美之也

○盧芳與匈奴烏桓連兵寇邊遣將軍杜茂將兵築亭障

以備之

茂治飛狐道築亭障修烽燧凡與匈奴為桓大小數十百戰終不能克

集覽

飛狐注見漢王劉邦三年

蜚狐亭障顧胤曰亭望敵之所也障山中小城也顧師古曰漢制每塞上要險處別築為城因置吏士而為障蔽以扞寇謂之

候城此即障也

書法

盧芳前書入塞而已此其書寇何引狄亂華則足以寇之矣

融及五郡太守人朝以融為冀州牧

上詔實融與五郡太守入朝融等奉詔而行官屬賓客相隨駕乘千餘兩既至詣城門上印綬詔遣使者還侯

印綬引見賞賜恩寵傾動京師尋拜融冀州牧又以梁

統為太中大夫姑臧長孔奮為武都郡丞姑臧在河西

最為富饒天下未定士多不脩檢操奮在職四年力行

清察為衆人所笑以為身處脂膏不能自潤及從融入

朝諸守令財貨連載滿竟川澤唯

奮無資單車就道帝以是賞之

地志云姑臧在羌胡中

為富饒檢操本傳作節操

姑臧縣名注見晉元帝建

武六年孔奮扶風茂陵人

雍奴疾寇恂卒

質實

一統志云雍奴漢之縣名屬漁陽郡

初改為武清縣五代宋金皆因之元初屬大興

府尋割隸鄆州國朝改屬通州仍隸順天府

三年春正月大司徒霸卒○詔太官勿受郡國異味

詔曰郡國獻異味其令太官勿復受遠方口實所以薦
宗廟自如舊制時異國有獻名馬者日行千里又進寶
劍價直百金詔以劍賜騎士馬駕鼓車上雅不喜聽音
樂手不持珠玉嘗出獵車駕夜還上東門候郵惲拒關
不開上令從者見面於門問惲曰火明遠遠遂不受詔
上乃回從中東門入明日惲上書諫曰陛下遠獵山林
夜以繼晷如社稷宗廟何書奏賜
集覽 天官注見武帝
惲布百匹貶中東門候為參封尉
集覽 元狩四年馬駕
鼓車制解云馬在輓中曰駕天子車駕出後有黃門
鼓車祭鼓車載鼓之車也鹵簿中有記里鼓車上東門
候郵惲維陽載十二門按十二支每一方三門李元銘
之曰上東門少陽厥位在寅上東者寅方門也每門候一
人秩六百石屬城門校尉司啓開出入郵惲其姓名郵
之日反惲於粉反甲東門銘曰中東門仲月位當於中
東者卯方門也參封尉參封
質實 郵惲汝南
縣名屬琅邪郡尉主盜賊
質實 西平人
書法 書美非食也後此和帝有詔太官勿受遠國珍
羞之書安帝有肯薦新物二十三種之書帝啓

之也與書置檢校進食使者異矣唐玄宗天寶九年
綱目書禁罷貢獻十有四而禁異味者四是在帝
初六年辛亥年周

發明 自古人君莫不勤苦於多事之時而宴定於無
事自之曰于時龍蜀既下四海寧一以積年間無
跋履之勞至是亦可自安少享玉食之奉而乃申詔
太官勿受郡國異味則帝之兢兢畏謹畧無自滿之
意為如何哉書之于冊可以為人
君暫得少安即肆奢慾者之戒矣

盧芳奔匈奴

盧芳攻雲中久不下其將隨昱留守九原欲脅芳來降
芳知之與十餘騎亡入匈奴其衆盡歸隨昱乃詣關
降詔拜昱五原太守
集覽 鑿胡侯鑿謂能琢
太守封鑿胡侯
質實 雲中郡名
政三年九原郡名注見
明帝永平六年五原

詔諸王皆降為公侯

通鑑綱目卷之第九

漢紀三十三

四

朱祐奏古者人臣受封不加王爵詔長沙王興真定王
得河間王邵中山王茂皆降爵為侯趙王良為趙公太
室王章為齊公魯王興為魯公是時宗

發明

王者有天下之號非人臣所得稱也天無二日
號交稱而後秦人更以皇帝自尊由漢以來遂以王
爵而封臣子可謂失之甚矣光武詔諸王皆降為公
疾深合占典惜乎不能終守此制爾大書

以紹嘉公孔安為宋公承休公姬常為衛公

元帝初 ○以韓歆為大司徒 **贊實** 韓歆南陽人 ○夏四月吳漢

軍還大饗將士諸功臣皆增邑更封

吳漢自蜀振旅而還夏四月至京師於是大饗將士功
臣增邑更封凡三百六十五人其外戚恩澤封者四十
五人定封鄧禹為高密侯食四縣李通為固始侯賈復
為膠東侯食六縣餘各有差已歿者益封其子孫或更

封支頡帝在兵間久厭武事且知天下疲耗思樂息肩
自龍圖帝後非警急未嘗復言軍旅皇太子嘗問攻戰
之事帝曰昔衛靈公問陳孔子不欲對此非爾所及也
賈復知帝偃干戈脩文德不欲功臣擁眾京師乃去
兵敦儒學帝思念欲完功臣爵土不令以吏職為過遂
罷左右將軍管朕等亦上大將軍印綬皆以吏職為過
第加位特進奉朝請鄧禹內行淳備有子十三人各使
守一藝脩整閨門教養子孫皆可以為後世法資用國
邑不脩產利賈復為人剛毅方且多節既還私第闔
門養威重朱祐等薦復為宜為宰相帝方以吏事責三公
故功臣並不用是時列侯唯高密相固始膠東三侯與公
卿參議國家大事恩遇甚厚帝雖制御功臣而每能回
容宥其小失遠方貢珍甘必先徧賜諸侯而太官無餘
故皆保其福祿無誅譴者胡氏曰鄧禹賈復寇恂朱祐
祭傅卓茂之徒皆公輔之器宜為宰相平章大論乃一
切待以功臣不復任使雖有經國遠猷豈敢自陳耶
集覽 高密注見漢王劉邦四年固始即固陵本屬陳州
封支頡後改固始今屬光州膠東注見漢王劉邦元年更
孽注見景帝改也支庶謂庶孽之多如木之有枝也又庶

吳

通鑑綱目卷之第九
漢光武皇帝
吳

禹並割甲兵注割區妙反削也削去之也
公太尉公掌四方兵事司徒公掌入民孝悌
空公掌水土營城起
邑浚溝洫修墳坊事
改置滄州隋方州郡並廢以縣屬弋陽郡唐屬光州宋
以設城縣自元仍舊
本朝因之屬懷寧府

以竇融為大司空

融自以非舊臣一旦入朝在功臣之右每召會進見容
貌辭氣卑恭已其帝愈親厚之融小心久不自安數辭
爵位上疏曰臣融有子朝夕敬導以經藝不令觀天文
見識記欲令恭肅畏事倘守道不願其有才能况當
傳以連城廣士享故諸侯三
國哉帝不許詔勿得復言

五月匈奴寇河東

質實 河東郡名注見
獻帝建安七年

十四年莎車鄯善遣使奉獻請置都護不許
考異 提要漏
置字

莎車王賢鄯善王安皆遣使奉獻西域苦匈奴
重斂皆願屬漢復置都護上以中國新定不許
國名注見武帝元鼎二
年鄯善國名注見上年

大中大夫梁統請更定律不報

考異 提律下
有令字

統上疏曰臣竊見元帝輕殊死刑三十四事哀帝輕殊
死刑八十一事其四十二事手殺人者減死一等自後
著為常準故人輕犯法吏易殺人臣聞刑罰在衷無取
於輕高帝受命約令定律誠得其宜文帝唯除省肉刑
相坐之法至哀平繼體即位日淺聽斷尚寡丞相王嘉
輕為穿鑿或先帝舊約成律數年之間百有餘事或
不便於理或不厭民心謹表具尤害於體者傳奏於左
願陛下宣詔有不厭民心謹表具尤害於體者傳奏於左
祿勳杜林奏曰大漢初興蠲除苛政海內歡欣及至其
後漸以滋章果挑菜茹之饋集以成賦小事無妨於義
以為大戮至於法不能禁令不能止上下相遁為散彌
深臣愚以為宜如舊制統復上言曰臣之所奏非曰嚴
刑經曰爰制百姓于孝宣海內稱洽至初元建平而盜賊
也自高祖至于孝宣海內稱洽至初元建平而盜賊

通鑑綱目卷之第九
漢光武皇帝
吳

多皆刑罰不衷愚入易犯之所致也由此觀之則刑輕

之作反生大患惠加姦軌而害及良善也事寢不報

之通並去聲論語刑罰不中注不中謂有淫刑濫罰也

不厭民心前書景帝詔曰諸獄疑而於人心不厭者輒

與敷同陳也滋章一膳反傳奏傳續而於人心不厭者輒

傳音義當與附同按賡賡伐陵人風

發明言路有詞同而義異者書梅福上書不報譏杜絕

春秋之法美惡不嫌同詞

十五年春正月免大司徒欽歸田里欽自殺

韓欽好直言無隱帝每不能容欽於上前證歲將饑凶
指天畫地言甚剛切故坐免歸田里帝猶不釋復遣使
宣詔責之欽及子嬰皆自殺欽素有重名死非其罪衆
多不厭帝乃追賜錢穀以成禮葬之司馬公曰切直之

言非人臣之利乃國家之福是以人君夙夜求之唯懼
弗得聞惜乎以光武之世而韓欽用直陳死豈不為仁

明之集覽言不以非命而降其葬禮也

發明韓欽之死不先儒既已論之矣今觀綱目書免書

夫以草茅者不可有言矣此君子所以深為光武

惜也

有星孛于昴以歐陽欽為大司徒

月徙邊郡吏民避匈奴

匈奴寇鈔日盛州郡不能禁二月遣景漢率馬成馬武
等北擊匈奴徙鴈門代郡上谷吏民六萬餘口置居庸
常山關以東以避胡寇匈奴左部遂復轉
居塞內朝廷患之增綠邊兵郡數千人
元也鈔掠取也居庸常山關居庸關注見唐武宗會昌
元年常山關在常山郡地道記云山在常山郡上曲陽

縣西北百餘里北行四百五十里得常山峽

夏四月追謚并續為齊武公

帝感續功業不訖撫育二子章與恩愛甚篤以其少貴欲令親吏事使章試守平陰令興候氏令其後章遷梁郡太守興遷

弘農太守元集覽平陰括地志云今鄭州河南陰縣東北續氏注

見武帝元集覽一統志云平陰秦之縣名在廣武山漢

郡唐又徙治輸揚之東渠口屬河南府宋以汜水縣省

入之金屬鄭州元核治廣武山之大谷口本朝因之

改屬開封府梁郡注見景帝三年梁國

弘農郡各注見周顯王四十六年陝

詔州郡檢覈墾田戶口

帝以天下墾田多不以實自占又戶口年紀互有增減乃詔下州郡檢覈於是刺史太守多為詐巧苟以度田為名聚民田中并變廬屋里落民遮道帝呼或優饒豪右侵刻羸弱時諸部各遣使奏事帝見陳留吏牘亡有

書視之云穎川弘農可問河南南陽不可問帝詰吏由

趣抵言於長壽街得之帝怒特東海公陽年十二在

何故言河南南陽不可問對曰河南南陽城多近臣南陽

更鄉多近親如東海公對上猶是益奇愛陽遣謁者考

實二千石長吏集覽羸弱謂貧民下戶陳留吏牘上有

何在不平者集覽書陳留郡奏事之吏也奏刻曰牘

問也帝詰吏由光武詰問吏因由抵言托辭也相方耳

方比也何枉集覽何諛狂曲也

冬十一月大司徒欽有罪下獄死

欽坐前為汝南太守度田不實賊罪千萬下獄欽世授

尚書八世為博士諸生守關為欽求哀者千餘人至有

自斃別者平原禮震年十七求集覽守關守去聲請也

代欽死帝竟不赦欽死獄中集覽百斃別自為刑人

狀以示必獲罪也大人曰斃正誤請解見前第五卷

小兒曰鬚盡及身毛曰別

以戴涉為大司徒○盧芳復入居高柳高柳縣名注見建武九年

○遣馬成繕治障塞以張堪為漁陽太守

縣騎大將軍杜茂坐使軍吏殺人免使揚武將軍馬成代茂繕治障塞十里一候以備匈奴使騎都尉張堪領杜茂營擊破匈奴於高柳拜堪漁陽太守堪視事八年匈奴不敢犯塞勸民耕稼以致殷富

庚子

十六年春二月交趾女子徵側徵貳反

交趾蕭冷縣雒將女子徵側其雒勇交趾太守蘇定以法繩之徵側忿怨與妹徵貳反九真日南合浦蠻俚皆應之凡畧六十五城自立為王都麓

冷交趾刺史及諸太守僅得自守
集覽 麓冷縣名字微側嫁為朱鸞詩索妻鸞俚南夷種名

三月晦日食○秋九月河南尹諸郡守十餘人皆有罪下獄死

皆坐度田不實後上從容謂虎賁中郎將馬援曰吾恨前殺守相多也對曰死得其罪何多之有但死者無也上大笑

群盜起冬十月詔許相斬除罪遂皆解散

郡國群盜處處並起郡縣追討到則解散去復也結冬十月遣使者下郡國聽群盜自相糾擿五人共斬一人者除其罪吏雖逗留回避故縱者皆勿問聽以禽討為效其牧守令長坐界內有盜賊而不收捕者又以畏懼捐我委守者皆不以為負但取獲賊多少為殿最唯蔽匿者乃罪之於是更相追捕賊並解散徒其魁師於他郡賦田受粟使安生業自是
集覽 畏懼者斬顏師古曰牛馬放牧不收邑門不開是受稟注見文帝十一年稟食也

書法 特筆也書善之

盧芳降立以為代王

盧芳降立以為代王

盧芳與閔堪使使請降帝立芳為代王堪為代相賜繒
 二萬匹因使和集匈奴初匈奴聞漢購求芳食得財帛
 故遣芳還降既而芳以自歸為功不稱匈奴所遣單于
 復耻言其計故賞遂不行由是大恨入寇充深芳入朝
 南及昌平有詔 **集覽** 昌平漢上谷郡軍都縣新莽改昌
 止令更朝明歲 **集覽** 昌平漢上谷郡軍都縣新莽改昌
 屬大興府之更朝 **集覽** 昌平漢上谷郡軍都縣新莽改昌
 更改朝見之更朝 **集覽** 昌平漢上谷郡軍都縣新莽改昌
 屬昌平郡後周廢之唐復置昌平縣 **集覽** 昌平漢上谷
 縣石晉復為昌平縣遼金元仍舊 **集覽** 昌平漢上谷郡
 本朝改屬順天府

復行五銖錢

馬援奏宜如舊鑄五銖
 錢上從之天下賴其便

書法

行之自元鼎元年是至于靈帝無改焉則以五銖得輕重
 故也

丑辛

十七年春正月以趙憲為平原太守

初懷縣大姓李子春二縣殺人懷令趙憲窮治其姦二
 孫自殺奴繫子春京師貴戚為請者數十憲終不聽趙
 孝公良病上臨視之問所欲言良曰素與李子春厚今
 犯罪懷冷趙憲欲殺之願乞其命帝曰吏奉法律不可
 枉也更道他所欲良無復言既盡上追 **集覽** 懷縣注見
 恩良乃貫出子春遷憲為平原太守 **集覽** 懷縣注見
 年 **集覽** 趙憲南陽宛人平原

二月晦日食○冬十月廢皇后郭氏立貴人陰氏為皇后

郭后寵衰數懷怨對上怒之廢后立貴人陰氏為皇后
 詔曰異常之事非國休福不得上壽稱慶邳擘言於帝
 曰臣聞夫婦之好父不能得之於子况臣能得之於君
 乎是臣所不敢言雖然願陛下念其不可勿亂大倫使
 天下有議社稷者帝曰憚善怨已量 **集覽** 怨對音墜
 主知我必不有所左右而輕天下也 **集覽** 怨對音墜
 能得之於子七制解云父且不能疆其子怨已量 **集覽**
 已謂羨其責於七制解云父且不能疆其子怨已量 **集覽**
 不有所左右七制解云父且不能疆其子怨已量 **集覽**
 后必無所偏徇而輕視天下也此帝自飾辭 **正誤** 量主

今按謂能推已之心以愛人也知我必不有所左右而輕天下今按此謂必不偏愛而動搖國本也太子疆乃既廢併及太子

書

綱目書廢后多矣未有繼書立后者繼書立陰氏者郭氏所以廢也

是年有郁久閭氏而後乙弗氏廢梁戊午年有武氏而後王氏廢唐永徽六年綱目皆照書之所以志禍本也綱目中書

廢立后三而已

進右馮翊公輔為中山王

考異

提要作沛王後無從中○山王輔為沛王八字

帝如章陵

帝幸章陵修園廟祠舊宅觀田廬置酒作樂賞賜特宗室諸母因酣悅相與語曰文叔少時謹信與人歎曲唯直柔耳今乃能如此帝聞之大集覽曰周旋貌實章陵縣名注見新莽地皇三年

十二月還宮○以莎車王賢為漢大將軍

是歲莎車王賢復遣使奉獻請都護帝賜賢西域都護印綬及車旗黃金錦繡敢煌太守裴遵上言夷狄不可倚以大事權又令諸國失望詔書收還都護印綬更賜賢以漢大將軍印綬其使不肯易遵迫奪之賢由是始恨而猶詭稱大都護移書諸國悉服屬焉

貨實

莎車國名注見武帝元鼎二年敦煌郡名注見唐陸宗同

書法

西域之不安自此始故謹書之

以馬援為伏波將軍討交趾

考異

討當作擊據下文徵側徵貳書斬則此不當書

徵側等寇亂連年詔長沙合浦交趾具車船修道橋通障谿諸糧穀拜馬援為伏波將軍以扶樂侯劉隆為副南擊交趾

貨實

長沙國名注見獻帝興平元年谷浦郡名注見同上年

通鑑綱目卷之五十一 漢紀七十七年 五十一

寅土

十八年春二月蜀郡守將史歆反遣吳漢等討之三月

帝如河東祠后土○馬援與徵側徵貳戰大破之

援綠海而進隨山刊道千餘里至浪泊上

與徵側等戰大破之追至禁谿賊遂散走

隨山刊木蔡氏傳曰隨山

之勢相其便宜斬木通道

湖馬援既平交趾謂官屬曰吾弟少遊常哀吾慷慨有

大志嘆曰士生一世但取衣食足為郡縣吏守墳墓

使鄉里稱為善人足矣至求贏餘自苦耳吾在浪泊西

里間賊未滅時下潦上霧毒氣薰蒸仰視飛鳥跼跼墮

水中念少游語何可得也

夏四月帝還宮○五月旱○盧芳復反犇匈奴

芳自昌平還內自疑懼遂復反匈奴遣

數百騎迎芳出塞芳留匈奴中病死

文政

昌平縣名注見建武

昌平縣

